



通鑑肇要

三王紀
五帝紀
夏紀
商紀
周紀

リ 8
210
1



通鑑臨事要 全十冊

通鑑臨事要


明
世宗
九年
九月
十二
日
購
藏

加
章

東方
書
校
圖
章

保
210
1

刻通鑑肇要序書之必收此
昭代治化洽熙人皆知崇尚漢
學至於翻刻之書歲增月益不
算其爲幾萬卷第憾嚮之所刊
惟經解暨子集粗足而叟書未
備自遷叟至晉書舊版存宋齊



通鑑要序
梁陳。鉞於元寶閒。亾。幾災燬。歐陽唐書五代史記。惟唐存。五代亦燬。編年則紫陽綱目有數版。近歲京人刻涑水通鑑未及半而寢。如綱鑑史略諸書固皆陋本。不足讀。夫史書之乏少如此。

勢不得不仰給於吳舶而至。夫僻邑偏壤。雖有志者。力未易辦。是則良可憾也。屬者。

篠山侯。世子。讀通鑑。孳要愛之。乃命校槧之。以頒藩士。斯書撰屬節略。固非可與涑水紫陽並。

論然文省而事具。語簡而跡著。
諒能擥其要。匪詭題目。則

世子之愛之亦宜矣。且斯書之
出。有志無書者。一旦取給。猶之
渴者趨飲。不必待河海而後飽。
其有滋乎。一藩溢以被世。其爲

惠也多矣。刻成徵坦叙。乃弁簡
首如是。

天保馬年夏至前一日

江都 佐藤坦大道撰



史體有三。編年其一。創自左氏。荀悅承之。司馬溫公依荀氏體。爲資治通鑑。朱子又作綱目。以寓春秋勸懲之旨。二書簡而備。約而該。後之讀者。猶苦其繁。於是理齋鳳洲。瑞屏而下。各有節省之本。其成書者。指不勝屈也。夫史以紀事爲主。事以終始本末瞭然兼舉爲盡善。乃後人所纂輯。或則失之於太簡。而條貫靡竟。又或則詳其所不必詳。而體要所在。關於興亡治忽者。反未能悉載。是則詳略之間。盡善爲難。而欲其一稟先喆。以爲功於承學。豈易言哉。雲閒姚氏平山。覃精經史。數十年於茲。嘗謂士人讀經之外。不可以不讀史。經明理。史載事。二者學問之大要。若夫風

史體有三。編年其一。創自左氏。荀悅承之。司馬溫公依荀氏體。爲資治通鑑。朱子又作綱目。以寓春秋勸懲之旨。二書簡而備。約而該。後之讀者。猶苦其繁。於是理齋鳳洲。瑞屏而下。各有節省之本。其成書者。指不勝屈也。夫史以紀事爲主。事以終始本末瞭然兼舉爲盡善。乃後人所纂輯。或則失之於太簡。而條貫靡竟。又或則詳其所不必詳。而體要所在。關於興亡治忽者。反未能悉載。是則詳略之間。盡善爲難。而欲其一稟先喆。以爲功於承學。豈易言哉。雲閒姚氏平山。覃精經史。數十年於茲。嘗謂士人讀經之外。不可以不讀史。經明理。史載事。二者學問之大要。若夫風

通鑑綱目
四
雲月露之辭。補綴訂餽之學。廢時失事。終無裨於實用者也。居恒常與張子二銘互相參訂。合溫公通鑑朱子綱目爲一書。名曰通鑑綱目肇要。附以兩書前後編。終始本末。事詞完具。可謂備美而無憾。二君蓋墨守朱子而上溯溫公。又精力有餘。博考正史。益究其端委。無條貫靡竟之患。其所詳者。必其所應詳也。其所略者。亦必其在所可略也。視理齋鳳洲瑞屏諸公之書。誠有過之無不及矣。學者由肇要而進之。以讀綱目。又進之以讀通鑑。事體分明。如肉貫弗。卽二十一史統於是乎。得其要領焉。其諸事半而功倍者與。余故樂爲之序。自是乃當計本之同異。庶公於前

乾隆十一年秋七月。海寧陳世倌書。

朱子因通鑑作綱目。今謂之正編。而仁山金氏。溯唐堯訖周威烈。以接於通鑑為前編。叙次評論。可攀涑水。然丹朱馮房后生穆王。杜伯射宣王。釋氏生昭王之世。尚採無稽。元四明陳氏。溯盤古以來。冠前編之首。備闕略耳。無關筆削。明萬歷時。渭上南氏。仿紫陽為前編綱目。斷自伏羲始。功亦勤矣。顧以尊經而削金氏所引五經。似也。論語孟子。仍與百家並列為目。某年世子昌孝養季歷。某年孔子志于學。某年魯哀公問政。何可以為綱。明憲宗詔儒臣。修宋元二史為續編。而綱目愈備。合而讀之。卷帙繁重。莫得其要領。同學平山姚氏。二銘張氏。欲次第節鈔全部。縮為袖

通鑑要
王三叔子

珍名曰肇要。以便後學。預致書屬序。既以河清難俟。辭之矣。前編已鏤板。所載孔孟以前事。尤便於校塾。帖括之業。購求者衆。復致書乞先序以行。予嘗謂帝王持世以道德。天地運世以氣數。道德勝。能轉氣數。不能離氣數。氣數勝。而道德隨之。爲盛衰。唐虞三代。道德莫加焉。然大水九年。大旱七年。後世更無此天也。射天而震。濟漢而溺。後世更無此君也。有窮中絕四十歲。共和無主十二年。後世更無此朝代也。兼三五以爲號。降王於臣。開阡陌。建郡縣。叙自秦皇。改正朔。設年號。定自漢武。遂歷百世。而莫之易。不必古聖制作也。讓而得天下者。莽。丕。炎。溫之徒。戰而得天下者。漢。唐。宋以來之今主。炎帝傳子。黃帝戰阪泉而代之。亦傳子。至夏后家天下。遂歷百世。而莫之易。不必古聖禪授也。武靈騎射而強。房瑄車戰而敗。不必古聖步伐也。王莽假經術以濟姦。安石行新法以基禍。不必古聖官禮也。若是者。氣數主之。而人事參焉。是故讀史。不以唐虞三代畫也。因序肇要。而論及之。學者由肇要。而進於前編之全。由前編。而進於正編續編之全。若觀於海而止矣。百川學海。而至於海。以其漸也。祭川者先河而後海。以其序也。此其爲河源乎。

乾隆十一年歲次丙寅。涂月。唐堂黃之雋書於冬夜雨寮。

通鑑學要總目
前編 盤古氏至女媧
氏附錄卷首
起伏羲氏終周考
王十五年凡二卷
正編
起周威烈王二十三年終周
世宗顯德六年凡十九卷
續編
起宋太祖建隆元年終元順
帝至正二十七年凡八卷
明史
起太祖洪武元年終懷
宗崇禎十七年凡八卷
通鑑學要總目

通鑑學要總目

前編

盤古氏至女媧氏附錄卷首

起伏羲氏終周考王十五年凡二卷

正編

起周威烈王二十三年終周世宗顯德六年凡十九卷

續編

起宋太祖建隆元年終元順帝至正二十七年凡八卷

明史

起太祖洪武元年終懷宗崇禎十七年凡八卷

通鑑學要總目

通鑑學要

總目

通鑑要附錄

盤古氏

又曰渾敦相傳
首出御世者

天皇氏

蓋取天開
於子之義

一曰天靈繼盤古御世制干支以定歲太歲在甲曰闕
逢乙曰旃蒙丙曰柔兆丁曰疆圜戊曰著雍己曰屠維
庚曰上章辛曰重光壬曰攝提格癸曰昭陽為十干子日
困敦丑曰赤奮若寅曰攝提格卯曰單閼辰曰執徐巳
曰大荒落午曰敦牂未曰協洽申曰涒灘酉
曰作噩戌曰閼茂亥曰大淵獻為十二支

地皇氏

蓋取地開
於丑之義

繼天皇御世稽三辰分晝夜以
三十日為一月○三辰日月星

人皇氏

蓋取人生
於寅之義

詳言世

繼地皇御世一姓九人居一友故又曰居方氏
政教君臣所自起飲食男女所自始亦號九皇氏

辰放氏

古初之人卉服蔽體辰放氏教民擗木茹皮以禦風
霜絢髮聞首以去靈雨而人從之命之曰衣皮之民

几蘧氏

天下之人惟知母而不知父鶉居穀飲晝則
旅行夜則類處及其死也橐舁風化而已

有巢氏

構木為巢教民居之以避其害時民食草木
之實飲禽獸之血茹其毛取其皮以蔽前後

燧人氏

鑽木取火教民烹飪作結繩之政立傳教之臺為日中
之市興交易之道人情以遂故又謂之遂皇有四佐明

繇必育成
博隕邱

史皇氏

倉帝名頡臨洛水之泚靈龜負書丹甲青文倉帝受之
遂窮天地之變仰觀奎星圓曲之勢俯察龜文鳥羽山

川掌指而叙文字文字
成天為雨粟鬼為夜哭

大庭氏

大庭氏之膺錄也三辰增輝五鳳
異色一曰朱顏氏亦曰朱須氏

軒轅氏

見轉蓬而制乘車橫木為
軒直木為轅故號軒轅氏

赫胥氏

一曰赫蘇時人居不知所為行不知所之鼓腹而游
含哺而嬉晝動夕息渴飲飢食莫知作善而作慝也

葛天氏

作樂三人操牛尾投足以歌八闋一曰載民二曰元鳥
三曰遂草木四曰奮五穀五曰謹天常六曰達帝功七
曰依地德八曰總萬物之極是謂廣樂

尊盧氏

昔者容成氏大庭氏柏皇氏中央氏栗陸氏驪畜氏軒
轅氏赫胥氏尊盧氏祝融氏伏羲氏神農氏當是時也
民結繩而用之甘其食美其服樂其俗安其居鄰
國相望雞狗之音相聞民至老死而不相往來

祝融氏

又曰祝誦一曰祝融聽奔州之鴻鳥以為樂歌諧神明
而和人聲以火施化亦號赤帝故後世火官因以為號

有巢氏

上古巢居木處有聖人教之編槿而廬緝
糞而扉以其革有巢之化故亦號有巢氏

朱襄氏

時恒風振蕩果木不實命士達
作五絃之瑟以來陰氣定羣生

陰康氏

時水瀆不疏陰凝而易闕人
多重腿乃制舞利其關節

無懷氏

時民形有動作心無好
惡命之曰無懷氏之民

女皇氏

一曰女媧又曰女希與太昊同母佐太昊正昏姻是為
神媒相傳共工與顓頊爭為帝怒而觸不周之山折天
柱絕地維故天傾西北地不滿東南
南女媧氏煉五色石以補其闕

通鑑要附錄

通鑑學要卷一

前編

雲間 姚培謙 平山 同錄

張景星 二銘

同學陸奎勳 坡星參閱

三皇紀

太昊伏羲氏

母居華胥之渚履巨人跡意動虹且遠身娠而生帝以木德王故風姓都陳在位一百十

五載○陳州今隸河南

以龍紀官

春官為青龍又曰蒼龍夏官為赤龍秋官為白龍冬官為黑龍中官為黃龍

立二相

通鑑學要

前編卷一

伏羲

共工為上相
柏皇為下相

畫八卦。

卦有三爻因而重八卦乾坤艮
之為卦六十有四爻震離坎兌

造書契。

命朱襄造書契
以代結繩之政

制嫁娶。

以儷皮為禮正儷對也古者衣鳥獸皮故以皮為禮
姓氏通媒妁

教民佃漁畜牧。

時民茹毛飲血教之為網罟以佃以漁養犧牲以
充庖厨享神祇故又曰庖犧氏○佃獵也漁捕魚

造琴瑟。

斷桐為琴繩絲為絃絃二十六○絙張絃也

炎帝神農氏

姜姓以火德王故曰炎帝初國伊繼國者又
曰伊耆氏都陳遷曲阜在位一百四十載○

曲阜今隸
山東兗州

以火紀官。

春官為大火夏官為鶉火秋官為
西火冬官為北火中官為中火

藝五穀。

相地宜制耒耜擇五穀之種教民耕種耒音甯去聲
又治麻為布○耜所以起土耒其柄也耜音似

為廛市。

列廛於國中為市
致民聚貨交易而退

製醫藥。

通鑑彙要

行編卷一 神農

二

犧牲行
羊豕曰
牲

味草木，察其寒温平熱之性，作方書以療民疾。

黃帝有熊氏

母感電光繞斗而有娠，生帝於軒轅之邱，因名軒轅，姓公孫。國於有熊，故號有熊氏。長於

姬水，故又以姬為姓。以土德，王，故曰黃帝。在位一百載。○有熊地名，今河南新鄭縣。

誅蚩尤於涿鹿

蚩尤，姜姓，炎帝之裔，好兵喜亂。帝修德治兵，戰於涿鹿之野。蚩尤作大霧，軍士昏迷。帝為指南車，以示四方，遂殺蚩尤。而諸侯咸尊為天子，代神農氏。

以雲紀官

春官為青雲，夏官為緡雲，秋官為白雲，冬官為黑雲，中官為黃雲。

置左右大監監萬國

立相暨史官

舉風后力牧泰山稽常先大鴻為六相，蒼頡為左史，沮誦為右史。

制文字

蒼頡見鳥獸之跡，體類象形而制字，字有六義，象形假借指事會意轉註諧聲。

立井制田

使八家為井，井開四道而分八宅，鑿井於中，井一為隣，隣三為朋，朋三為里，里五為邑，邑十為都，都十為師，師十為州。

作宮室

立宮室之制，遂作合宮，以祀上帝，布政教，復築城邑，重門擊柝，以禦暴客。○合宮如周之明堂。

制衣裳

帝作冕，垂旒，充纒，為玄衣黃裳，染畫五采，為文章，以表貴賤。

通鑑等要

有熊

三

作器用。

杵、臼、釜、竈、甌、舟、車。

作貨幣。

范金為貨，制金刀，立五幣。○范金，以模鑄金、金刀、錢也。五幣，珠、玉、黃金、刀、布。

制武備設陣法。

弓、矢、鼓、吹、鐃、角、靈、鞞、神、鉦、旗、麾、○鐃、如鈴，無古角吹器，鞞，馬上所擊，鉦，銅鑼。

立占天官。

命鬼、史、藍占星，鬪苞授規，正日月星辰之象，羲和占日，尚儀占月，車區占風。

作甲子制歷象。

命大撓作甲子，支干相配而定納音，容成作蓋天及調歷，以建寅春正月為歲首，獲寶鼎，神策推算積餘以置。

字天幹既
十運按作
為李古子

閏○蓋天即渾天儀策著草 歷象皇官名合

作數。

命隸首作數，而律度量衡成。○數，九章算法，律，律呂，度，丈尺，量，斗斛。

造律呂作樂。

命伶倫取竹於嶰谿之谷，制十二律，竽以象鳳皇之鳴，其雄鳴為六，雌鳴亦六，以比黃鍾之宮，生六律六呂，榮援鑄十二鍾，協月竽以和五音，大容作雲門大卷之樂，命曰咸池。○六律，陽聲，黃鍾、太簇、姑洗、蕤賓、夷則、無射。六呂，陰聲，大呂、夾鍾、仲呂、林鍾、南呂、應鍾。

制醫書。

咨岐伯作內經，復命俞跗岐伯雷公，察明堂，究息脈，巫彭、桐君處方，餌。

教民蠶。

通鑑纂要

前編卷一 有熊金天

四

命元妃西陵氏，教民育蠶，治絲以供衣服。○帝立四妃，元妃西陵氏，女曰嫫祖，二妃方纍氏，女曰節，三妃彤魚氏，女曰嫫，四妃曰嫫母，貌惡德充。

屈軼生於庭，鳳皇巢於閣，麒麟遊於囿。

屈軼，草也，佞人入，則指之。

五帝紀

少昊金天氏

名摯，姓己，黃帝子，玄囂也。母曰嫫祖，帝以金

都曲阜，在位八十四載。

以鳥紀官。

祝鳩氏為司徒，睢鳩氏為司馬，鳴鳩氏為司空，爽鳩氏為司寇，鶡鳩氏為司事。

作大淵樂。一曰九淵。

顓頊高陽氏

姓姬，玄囂弟，以木德王，初國高陽，故號高陽氏，在位七十八載。○高陽，今直隸開州。

命五官。

木正曰句芒，金正曰蓐收，水正曰玄冥，土正曰句龍，火正曰祝融，分治五方。

命重黎治神人。

時九黎以神怪惑天下，家為巫史，民瀆於祀，乃命南正重司天以屬神，北正黎司地以屬民。○九黎，即蚩尤，一曰黎氏，九人，當時之諸侯，南北正官名。

制九州。雍、荆、豫、梁、冀、青、徐、兗、揚。

改歷象，以建寅月為歷元。

是歲正月朔立春，五星會於天，歷營室，因制歷，以孟春之月為歲首，故後世稱帝為歷宗。○營室，宿名。

作承雲樂。

通鑑纂要

前編卷一

高陽高辛

五

時洪水為災，命鯀治之。鯀方命，圮族，九載績用弗成。○方，逆也。圮，音否，敗也。言逆上命，敗壞族類也。

舉舜登庸

善父母曰孝，善兄弟曰悌。

舜母死，繼母生象，父瞽瞍惑於後妻，并少子象，欲殺舜。舜盡孝悌之道，日以篤謹，耕於歷山人，皆讓畔。漁於雷澤，人皆讓居。陶於河濱，器不苦窳。所居一年，成聚。二年，成邑。三年，成都。帝子丹朱不肖，求賢德以遜位。羣臣舉舜，於是二女妻舜。舜以德化，二女皆執婦道。帝以舜賢，乃命以位。○畔，田界。陶，燒瓦器。苦，粗也。窳，缺壞。二女，娥皇、女英。

舜舉八愷八元

高陽氏有才子八人：蒼舒、隤斨、檮戡、大臨、龐降、庭堅、仲容、叔達、齊聖、廣淵、明允、篤誠。天下謂之八愷。高辛氏有才子八人：伯奮、仲堪、叔獻、季仲、伯虎、仲熊、叔豹、季狸。忠肅恭懿，宣慈惠和。天下謂之八元。此十六族，世濟其美，舜舉之。○愷，和也。元，善也。

舜流四凶族

帝鴻氏有不才子，曰渾沌。少昊氏有不才子，曰窮奇。顓頊氏有不才子，曰檮杌。縉雲氏有不才子，曰饕餮。謂之四凶。舜皆投於四裔。○渾沌，即驩兜。窮奇，即共工。檮杌，即鯀。饕餮，即三苗。

舜納於大麓，錄萬機之政也。乃使禹平水土，益掌火，棄教

民播種，契為司徒，敷五教。

鯀治水無功，乃命其子禹為司空，使治水。時草木暢茂，禽獸繁殖，五穀不登，益烈山澤而焚之，禽獸逃匿。后稷教民稼穡，樹藝五穀，契為司徒，教以人倫。父子有親，君臣有義，夫婦有別，長幼有序，朋友有信。

舜受終於文祖，堯終其事而舜受

制五刑。墨，劓，剕，剕，大辟。

作大章樂。

道益聖要

行編卷一 帝堯帝舜

禹治水成功。因定九州貢賦。

肇十有二州。

肇始也。十二州，冀、兗、青、徐、荆、揚、豫、梁、雍、幽、并、營。

帝舜有虞氏。

黃帝八代孫，生於姚墟，故姓姚。受堯禪，以土

蒲州。

立誹謗木，造五絃琴。

帝欲聞其過，立誹謗木，彈五絃之琴，造南風之詩。其詩曰：南風之薰兮，可以解吾民之愠兮；南風之時兮，可以

阜吾民之財兮。○誹謗木，所以書政治之德。

作籥，韶樂九成，鳳凰來儀。

帝命夔為樂正，重黎欲益求人，帝曰：一夔足矣。

定考功法。

村山氏曰：南者日月，御故南風。長庚之風也。言地辨故別。帝即長庚。不民敬此詩。亦樂歌。亦君民者。亦正。亦新。亦。亦南風意。以長春。民故天下。

三載一考績，九載三考。於是陟其明而黜其幽。

作卿，慶雲之歌。

於時俊乂百工相和而歌，卿雲帝乃倡之曰：卿雲爛兮，禮縵縵兮，日月光華，旦復旦兮。八伯咸進稽首曰：明明

上天，爛然星陳，日白工百執事之人也。月光華，弘于一人。

命禹攝政總師，禹受命于神宗。

堯廟。

帝子商均不肖，於是命禹攝位。

夏紀凡十七君，得歲四百五十有八。

大禹

姒姓，受舜禪，以金德。王，改載曰歲，都安邑，在位二十七歲。○安邑縣，今隸山西。

丙元歲，會諸侯於塗山，執玉帛者萬國。

以五音聽治。

為銘於箕簞曰導以道者擊鼓喻以義者擊鐘告以事者振鐸啓以憂者擊磬有獄訟者揮鞞常曰吾不恐四海之士畱於道路恐其畱吾門也磬者啓鳴柝樂器也

庚辰五歲巡狩

見罪人下車問而泣之左右曰罪人不順道君王何為痛之禹曰堯舜之人皆以堯舜之心為心寡人為君百姓各自以其心為心是以痛之南巡狩濟江中流有二黃龍負舟舟人懼禹笑曰吾受命於天屈力以養人生性也死命也奚憂龍哉龍於是曳尾而逝

癸未八歲巡江南會諸侯

防風氏後至戮之其骨節專車

啓

禹子在位九歲

有扈氏威侮五行怠棄三正啓與戰於甘之野作甘誓○三正子丑寅

太康

啓子在位二十九歲

辛亥十九歲畋於洛表羿距於河遂都陽夏

太康盤遊無度畋於有洛之表十旬弗反有窮后羿距於河而立仲康

仲康

太康弟在位十三歲

癸亥二歲命胤侯征羲和

羲氏和氏世掌天地四時之官沈湎於酒胤國之侯受命征之

相

仲康子在位二十八歲

戊寅四歲有扈氏賓服

王與有扈戰於甘澤不勝六卿請服之相曰不可德之不厚教之不修也於是處不重席食不貳味琴瑟不張鐘鼓不陳子女不飾親親長長尊賢使能期年而有扈氏賓服

性理也
可命矣不
目計

壬午八歲寒浞殺羿。

夏之方衰也，羿自鉏遷於窮石，號有窮氏，恃其射也，不修民事而淫於原獸，用寒浞為相，浞行媚於內而施賂於外，娛羿於田，殺而代之，浞因羿室，生澆及豷，恃其讒慝，詐偽而不德於民。○澆論語作梟。

寅二十有八歲寒浞殺王於帝邱，后緡歸於有仍氏。

后緡有仍國君之方，振逃歸有仍而生少康。

少康相子，在位二十歲。

甲二十二歲少康自有仍奔虞。

少康為仍牧正，澆使椒求之，逃奔有虞，為之庖正，虞思妻之以二姚，而邑諸綸，有田一成，有眾一旅，能布其德而兆其謀，以收復眾。○椒，澆臣，虞思有虞君，綸，虞邑名，十里為一成，五百人為一旅。

壬午四十歲夏遺臣靡興師討寒浞，伏誅，奉王踐天子位。王

命誅澆及豷，復禹舊績，夏道復興。

杼少康子，在位十七歲。

槐杼子，在位二十六歲。

芒槐子，在位十八歲。

泄芒子，在位十六歲。

不降泄子，在位五十九歲。

扃不降弟，在位二十一歲。

廛扃子，在位二十一歲。

孔甲不降子，在位三十一歲。

臯孔甲子，在位十一歲。

發臯子，在位十三歲。

癸發子，即桀也，在位五十二歲。

甲子二十二歲公劉遷於豳。

周之先自后稷，堯封之邠，積德累善十餘世，公劉避桀居豳，復修后稷之業，周道之興自此。○豳，今陝西邠州。

乙亥三十三歲伐蒙山，有施氏獻妹喜，王嬖之。

鼓動也

夏自孔甲後王室日衰諸侯或不朝桀能申鈎索鐵負恃其力伐蒙山有施氏有施氏進女妹喜桀嬖之所言皆聽為瓊室象廊瑤臺玉牀又為肉山脯林酒池可以運舟一鼓而牛飲者三千人

丁丑三十五歲商主癸薨子履嗣位居亳

契受封於商後十三世生癸癸生湯

己卯三十七歲商湯遣使以幣聘伊尹進於夏王

伊尹名摯耕於有莘之野湯三聘之尹乃就湯湯薦於王自亳凡五適夏告以堯舜之道不聽伊尹曰君王不聽臣言亡無日矣桀笑曰吾有天下如天之有日也日有亡乎日亡吾亦亡矣於是接履而趨遂適湯湯立為相

甲申四十二歲囚商湯於夏臺既而釋之

夏臺獄名既曰周曰國土曰鈎索春曰國一也

成湯出田命去網三面曰欲左者左欲右者右不用命者乃入吾網諸侯聞之曰湯仁及禽獸況於人乎皆歸

癸巳五十一歲太史令終古出奔商

桀鑿地為夜宮男女雜處三旬不朝終古執其圖法泣諫不聽出奔商

甲午五十二歲殺諫臣關龍逢

桀有暴臣于莘陵鏢諸侯諛臣曹觸龍讒賊忠良關龍逢引黃圖以諫曰古之人君愛民節用今君用財若無窮殺人若弗勝亡無日矣立而不殺桀焚黃圖殺龍逢

商紀凡二十八君得祀六百四十四

商王成湯子姓號天乙以水德王改歲曰祀都亳在位十三祀○亳今河南偃師縣

乙未十八祀王誓師伐夏桀放之於南巢

三月商王踐天子位於亳建國號曰商改正朔易服色

湯既葬五年
及葬五月為
戎寺也言白
其用白以白為
每綺衣
便民疾
乃民失
歎司

以斗杓建丑冬
十二月為歲首

辛丑二十四祀。大旱。禱於桑林。以六事自責。

湯既放桀。大旱七年。禱於桑林之野。祝曰。無以予一人之不敏。傷民之命。以六事自責。曰。政不節與。使民疾與。宮室崇與。女謁盛與。苞苴行與。讒夫昌與。言未已。大雨。○史記及東漢書注。有剪髮斷爪。身為犧牲之說。傷父母遺體。非聖人所為。謬談不可信。

作大濩樂。

太甲 湯孫。太丁子。在位三十五年。○廟號始此。

太甲顛覆湯之典。型伊尹放之桐宮。太甲居桐三年。處仁遷義。尹乃奉太甲復歸於亳。○桐宮。湯葬地。

沃丁 太甲子。在位十九祀。太庚 沃丁弟。在位二十五年。

小甲 太庚子。在位十九祀。 雍已 小甲弟。在位十二年。

太戊 雍已弟。在位七十

甲辰元祀。用伊陟。尹臣扈相。大修成湯之政。諸侯畢朝。

太戊立。伊陟為相。亳有祥。桑穀共生於朝。一暮大拱。太戊懼。問伊陟。陟曰。臣聞妖不勝德。帝之政。其有關與。太戊大。修先王之政。明養老之禮。三日而祥。桑枯死。三年。遠方重譯。來朝者。七十六國。○祥。妖怪也。桑穀。二木名。

仲丁 太戊子。在位十三祀。遷都囂。今河南河陰縣。

外壬 仲丁弟。在位十五年。

河亶甲 外壬弟。在位九年。遷都相。今河南彰德府。

祖乙 河亶甲子。在位十九祀。遷都耿。又徙邢。耿。今山西河津。邢。今直隸邢臺。

祖辛 祖乙子。在位十六祀。 沃甲 祖辛弟。在位二十五年。

祖丁 祖辛子。在位十二年。 南庚 沃甲子。在位二十五年。

通鑑等要

前編卷一

商太戊至武丁

十三

陽甲祖丁子，在位七祀。

盤庚陽甲子，在位二十八年。

子庚元祀。遷都於殷。改國號曰殷。

行湯之政。殷道復興。諸侯來朝。○殷今河南衛輝府。

小辛盤庚弟，在位二十一年。

小乙小辛弟，在位二十八年。

甲寅二十六祀。古公亶父自豳遷於岐。改國號曰周。

古公邑於岐山之下，乃變戎狄之俗，營築城郭，室屋而居。○岐今陝西鳳翔府。

武丁小乙子，在位五十一年。

未祀。得傳說為相。

武丁恭默思道，夢帝賚以良弼，乃繪形旁求，說築傅巖之野，惟肖爰立作相。

子戊三十二祀。伐鬼方。北胡。

鬼方恃固而擾諸夏，武丁伐之，三祀乃克。自是內外無患，而商道復興。

祖庚武丁子，在位七年。

祖甲祖庚弟，在位三十三年。

廩辛祖甲子，在位六年。

庚丁祖甲次子，在位二十三年。

武乙庚丁子，在位四年。遷都河北，今河南淇縣。

武乙無道，為偶人，謂之天神，與之博，令人為行，天神不勝，乃僂辱之，為革囊盛血，仰射之，命曰射天。後獵於河渭之間，暴雷震死。

太丁武丁子，在位十七年。

帝乙太丁子，在位三十七年。

庚午元祀命周公季歷為侯伯。

初古公亶父之妃曰太姜生三子長太伯次仲雍一名虞仲少季歷季歷娶太任生昌有聖瑞古公曰我世當有興者其在昌乎太伯虞仲知古公欲立季歷以傳昌一人託名採藥之荆蠻以讓季歷是為公季篤於行義諸侯順之克余無之戎命為師牧又伐始呼翳徒之戎皆克之命為牧師

丙子七祀周公季歷薨世子昌嗣位。

西伯遵后稷公劉之業則古公公季之法篤仁敬老慈少禮下賢者日中不暇食以待士伯夷叔齊在孤竹聞之徒亦往歸焉嘗行於野見枯骨命吏瘞之吏曰此無主矣西伯曰有天下者天下之主有一國者一國之主吾即其主以棺衾而葬之天下聞之曰西伯澤及枯骨况於人乎

紂辛帝乙子在位

甲寅八祀伐有蘇氏獲妲己嬖之。

紂使師涓作新濞聲址里之舞靡靡之樂厚賦稅以實鹿臺之錢而盈鉅橋之粟大聚樂戲於沙邱以酒為池懸肉為林使男女僕相逐其間為長夜之飲百姓怨望而諸侯有畔者乃重辟刑有炮烙之法○炮烙膏銅柱下加之炭令有罪者行焉輒墮炭中妲己笑

丁巳十一祀醢九侯鄂侯諫脯之囚西伯於羑里。

紂以西伯昌九侯鄂侯為三公九侯有女入之紂女不喜淫紂殺之而醢九侯鄂侯爭之并脯鄂侯又剖孕婦視其胎斬朝涉之脛視其髓西伯聞之竊歎崇侯虎譖西伯欲叛因囚西伯西伯歎曰父有不慈子不可以不孝君有不明臣不可以不忠豈有君而不慈乎諸侯聞之以西伯能敬上而恤下也遂相率歸之○紂材力過入手格猛獸知足以拒諫言足以飾非視天下皆出己下好酒色始為象箸箕子嘆曰今為象箸必為玉杯玉杯象箸必將食熊蹯豹胎他又將稱是王求足欲天下殆哉○斲音捉斬也

戊午十二祀。周西伯演易於羨里。

伏羲畫卦，有圖無書，有占無文。至文王而後有書有文。

己未十三祀。釋西伯。

西伯之臣謀救其君，求有莘氏美女獻紂，紂大悅曰：此一物足以釋西伯。西伯乃釋。西伯又獻洛西地，請除炮烙之刑，受許之，賜之弓矢斧鉞，使專征伐。

庚申十四祀。虞芮質成於周。

虞芮之人有獄不能決，乃如周入界耕者，皆讓畔，民俗皆讓。長虞芮之人皆慚，相謂曰：吾所爭，周人所恥，何往為？祇取辱耳。遂還，俱讓而去。

辛酉十五祀。周西伯得呂尚，立為師。

尚先祖佐禹平水土，封於呂，姓姜氏。西伯將出獵，卜之曰：非龍非虎，非罴非羆，所獲霸王之輔，果遇太公於渭。

水之陽年七十餘，與語大悅，曰：自吾太公曰：當有聖人適周，周以興，子真是邪？吾太公望子久矣，故號之曰太公望，載與俱歸，立為師，尊之曰尚父。

丙寅二十祀。周西伯昌薨，世子發嗣立。是為武王。

丁卯二十一祀。周西伯發元年。

丁丑三十一祀。周西伯東觀兵。

武王東觀兵於盟津，渡河中流，白魚躍入王舟中，既渡，有火自上復於下，至於王屋，流為烏。時諸侯不期而會者八百，皆曰：紂可伐，王曰：天命未可，乃引師還。

戊寅三十二祀。殺比干，囚箕子。微子去之。

比干箕子微子極諫，紂怒曰：比干自以為聖人，吾聞聖人之心有七竅，遂剖視之。箕子懼，被髮佯狂而為奴。紂囚之，微子遂抱其祭器奔周，以存宗祀。○微子紂庶兄，箕子紂諸父，太師也。比干少師也。微子名啓，箕子名胥。

矣。吁嗟徂兮，命之衰矣。野有婦人曰：子義不食周粟，此亦周之草木，於是餓死。

武王即位，國號周，以建子月為歲首，復商舊政。

王至商，殺妲己，釋箕子囚，封比干墓，式商容，間散鹿臺之財，發鉅橋之粟，大以振貧弱。縱馬於華山，放牛於桃林。偃戈釋旅，示不復用。○王日夕自警，受師尚父丹書之戒，曰：敬勝怠者吉，怠勝敬者滅。義勝欲者從，欲勝義者凶。惕若恐懼，於器物皆為銘焉。訪問箕子，以天道箕子以共範陳之，乃封於朝鮮，而不臣。○洪範禹所叙，箕子推行，增益以成篇。武王問箕子以天道，故陳之。

遷都於鎬。今隸陝西長安縣。

作大武樂。

庚十四年，王疾。周公旦、武王弟、祝告三后，太王、王季、文王，求以身代。

壬十六年，夏，箕子來朝。

新名，麥秀漸盛，與漸新，亦可也。

箕子過，故殷墟，傷故都宮室毀圮，木黍生焉，作麥秀之歌。曰：麥秀漸盛，木黍油油，兮彼狡童兮，不與我好兮。殷之遺民聞之，莫不流涕。○狡童，指紂。

成王名誦，武王子在位三十七年。

丙元年，周公旦相，王踐阼而治。

成王在襁褓之中，周公恐天下畔，乃代成王攝行政當國。

命周公元子伯禽代就封於魯。

周公戒伯禽曰：我一沐三捉髮，一飯三吐哺，起以待士，猶恐失天下之賢人。慎無以國驕人。

戊三年，秋，大雷風，王迎周公於東。

周公攝政，管叔及羣弟流言於國，曰：周公將不利於孺子。周公遂避位居東，逾年，王悟。秋天暴風雨，日夜不休，樹木盡偃，王大恐，發金滕之櫃，見請代祝文，乃感泣出郊迎公。天反風，木盡起，歲大熟。○金滕，以金緘之，周家

孺子，稚也。謂成王也。

藏卜書之器

辛卯六年越裳氏來朝。

交趾南有越裳氏重三譯而來獻白雉周公曰德澤不加君子不享其贄政令不施君子不臣其人譯曰吾國之黃者曰天無烈風淫雨海不揚波三年矣意中國有聖人乎於是來朝使者迷其歸路周公錫以駟車皆為指南之制使者載之期年而至其國○重複也通兩番之語者曰譯

壬辰七年卜宅於洛。

初武王以洛為天下之中遷九鼎於洛邑有宅洛之志至是王命周公召公營之既成謂之東都定禹於郊鄩上曰傳世三十歷年八百○洛今河南洛陽郊鄩洛地

設南郊建明堂立大社。

設邱兆於南郊以祀上帝配右稷日月星辰先王皆與食又宗祀文王於明堂以配上帝

甲午九年封弟叔虞為唐侯。

王與弟叔虞戲削桐葉為珪曰以此封若史佚請擇日王曰吾戲耳史佚曰天子無戲言遂封叔虞於唐

戊戌十三年作九府圜法。

太公望立九府圜法錢圓函方輕重以銖通九府之用○九府大府王府內府外府泉府天府職內職金職幣

康王名釗成王子在位二十六年

戊子二十六年太保召公奭薨。

諡曰康公治西方甚得民和巡行鄉邑聽斷於棠樹之下卒後人思其政不忍伐棠樹作甘棠之詩

昭王名瑕康王子在位五十一年

王德衰南征濟漢漢濱之人以膠膠船進王至中流膠液船解王溺焉

穆王名滿昭王子在位五十五年

大風司澤也
風雨誤

甲三十五年征犬戎。

穆王將征犬戎，祭公謀父諫曰：「先王耀德不觀兵，王不聽，征之，得四白狼、四白鹿以歸，自是荒服不至。」

己五十年作呂刑。

王駕八駿之乘，肆意遠遊，財匱民勞，無以為計，乃命呂侯作贖刑之書。雖大辟亦與其贖免，歛民財以濟荒亡之欲。○八駿：驊騮、綠耳、赤驥、白犧、渠黃、踰輪、盜驪、山子。一曰：絕地、翻羽、奔霄、超景、踰輝、超光、騰霧、挾翼。

共王名繁，扈穆王子，在位十二年。

懿王名躄，共王子，在位二十五年。

徙都槐里，時王室遂衰。○槐里，今陝西興平縣。

孝王名辟方，懿王弟，在位十五年。

厲王名胡，夷王子，在位五十一年。

夷王名燹，懿王子，在位十六年。

壬三十年以榮夷公為卿士。

王好利，近榮夷公，芮良夫諫曰：「夫王入者，將導利而布之土，下者也。今王學專利，其可乎？匹夫專利，猶謂之盜，王而行之，其歸鮮矣。」榮公若用，周必敗，王不聽。

乙三十三年使衛巫監謗，殺言者。

厲王虐，召公告曰：「民不堪命矣。」王怒，得衛巫，使監謗者，以告則殺之。國人莫敢言，道路以目。王喜，告召公曰：「吾能弭謗矣。」召公曰：「是障之也。防民之口，甚於防川，川壅而潰，傷人必多，民亦如之。」王弗聽。國人乃相與畔，襲厲王，王出奔於燕。

宣王名靜，厲王子，在位四十六年。

甲元年周公召公輔政。

二相輔之，脩政法，文武成康之遺風，諸侯復宗周。

乙未二十二年。王后姜氏諫王。王勤政中興。

王嘗早臥而晏起。后乃脫簪珥待罪於永巷。使其傅母通言於王曰。妾不才。至使君王失禮而晏朝。以見君王之樂色而忘德也。敢請罪。王曰。寡人不德。實自生過。非夫人之罪也。遂勤於政事。早朝晏退。卒成中興之名。○永巷宮中長巷。

丙辰四十三年。殺大夫杜伯。左儒爭死之。

王將殺杜伯。而非其罪。伯友左儒爭之於王。九復之。而王怒曰。易而言則生。不易則死。儒曰。士不枉義以從死。不易言以求生。臣能明君之過。以正杜伯之無罪。殺杜伯。左儒死之。

幽王名宮涅。宣王子。在位十一年。

辛酉二年。西周三川皆震。涇渭洛竭。岐山崩。

伯陽父曰。昔伊洛竭而夏亡。河竭而商亡。今三川皆竭。周德若二代之季矣。山崩川竭。亡之徵也。

戊戌三年。王嬖寵褒姒。

褒人有罪。請入女以贖。是為褒姒。王愛之。生子伯服。廢申后及太子宜臼。以褒姒為后。伯服為太子。褒姒不好笑。王欲其笑。萬方故不笑。王為燧燧。寇至則舉燧。火。諸侯悉至。至則無寇。褒姒乃笑。後諸侯不信。舉火不至。○晝曰燧。夜曰烽。

庚午十一年。申侯與犬戎入寇。弑王。故太子宜臼立。

王廢申后。去太子。申侯怒。與西夷犬戎攻王。王舉燧。火。兵莫至。遂殺王。驪山下虜褒姒。盡取周賂而去。於是諸侯乃即申侯而共立故太子宜臼。

平王名宜臼。幽王子。在位五十一年。

辛未元年。遷都於東都雒邑。

王以豐鎬通近犬戎。乃東遷洛邑。時周室衰微。齊楚秦晉疆大。政由方伯。

桓王 名林平王孫太子洩
子在位二十三年

甲十三年秋王伐鄭戰於緡葛

鄭桓公友厲王庶子封於鄭犬戎入寇友死於戰鄭人立其子掘突是為武公武公生莊公俱為平王卿士平王欲分政於虢鄭伯怨王王曰無之故周鄭交質王子狐為質於鄭鄭公子忽為質於周王崩周人將昇虢公政鄭祭足帥師取溫之麥秋又取成周之禾周鄭交惡至是王以諸侯伐鄭鄭伯禦之戰於緡葛祝聃射王中肩○鄭今河南新鄭縣卿士執政者分政不專任鄭伯祭足祝聃俱鄭臣

莊王 名佗桓王子
在位十五年

丙十二年秋九月齊公子小白立

襄公使連稱管至父戌葵邱瓜時而往曰及瓜而代往戍一歲卒瓜時請代弗許故二人因公孫無知謀作亂弑襄公而無知自立羣弟恐禍及故糾奔魯管仲召忽傳之小白奔莒鮑叔傅之十二年春大夫雍廩殺無知

魯侯聞之發兵送糾而使管仲別將兵遮莒道射中小白帶鉤小白佯死高偃立之是為桓公使魯殺子糾召忽死之管仲請囚鮑叔薦管仲桓公使請諸魯莊公以問施伯對曰管子天下之才也所在之國必得志於天下殺而以其屍授之莊公弗聽束縛以予齊使比至桓公親逆之於郊用以為相號曰仲父○仲嘗與鮑叔賈分財利多自與叔不以為貪知仲貧也嘗謀事而窮叔不以為愚知時有利不利也嘗三仕三見逐叔不以為不肖知仲不遭時也嘗三戰三北叔不以為怯知仲有老母也公子糾敗召忽死之仲幽囚受辱叔不以為無恥知仲不羞小節而恥功名不顯於天下也仲嘗曰生我者父母知我者鮑子○齊今山東青州府呂尚封此襄公僖公子無知僖公同母弟夷仲年子

僖王 名胡齊莊王
子在位五年

庚元年冬魯侯會齊侯盟於柯

齊伐魯魯莊公請獻遂邑以平盟於柯魯將曹沫以匕首劫桓公於壇上曰及魯之侵地桓公許之後欲無與

魯地而殺曹沫管仲曰棄信於諸侯失天下之援不可遂與魯地諸侯聞之皆信齊而欲附焉
惠王名閔僖王子在位二十五年

辛酉十七年十二月狄人殺衛懿公戴公立卒弟燬立

狄人伐衛衛懿公好鶴鶴有乘軒者將戰國人受甲者皆曰使鶴鶴實有祿位余焉能戰遂滅衛衛之遺民立戴公申以盧於曹戴公立期年卒齊率諸侯伐狄為衛築楚邱立戴公弟燬是為文公○衛今河南衛輝府武王同母弟康叔封此盧舍也曹衛下邑楚邱今滑縣

乙丑二十一年春正月齊率諸侯伐楚盟于召陵

桓公率諸侯伐楚責以貢不入王室昭王南征不復對曰貢之不入寡君之罪也敢不共給昭王之不復君其問諸水濱師進次于陘楚懼使屈完及諸侯盟○楚今湖廣武昌府黃帝後鬻熊封此賜姓茅

襄王名鄭惠王子在位三十三年

庚午元年夏齊侯會諸侯于葵邱

桓公會諸侯王使宰孔賜齊侯胾命曰無下拜對曰天威不遠顔咫尺小白敢貪天子之命無下拜下拜登受祭肉

戊寅九年冬齊侯小白卒

桓公多內寵內嬖如夫人者六人生五子各樹黨爭立桓公卒尸在牀六十七日尸蟲出於戶

甲申十五年王命狄伐鄭以狄女隗氏為后

富辰諫曰女德無極婦怨無終狄必為患王弗聽

乙酉十六年春正月晉公子重耳入於晉

重耳獻公之子驪姬譖殺太子申生重耳恐奔狄狄其母國也處狄十二年而行及齊齊桓公妻之及楚楚子饗之送諸秦晉惠公卒秦繆公乃發兵送歸晉立之是為文公○晉今山西太原府武王子叔虞封之

晉文公旌介之推

晉侯賞從亡者介之推不言祿祿亦弗及與其母偕隱而死文公求之不獲聞其入縣上山中於是環縣上山中而封之以為介推田號曰介山

秋狄入寇王出居鄭

丙十七年夏四月晉侯逆王入王城請隧弗許

王後母弟叔帶通於魏氏王廢魏氏狄人奉叔帶攻王王奔鄭立叔帶為王叔帶以魏氏居温王告難於諸侯文公發兵納王而誅叔帶王乃賜文公珪鬯弓矢為伯文公請隧弗許與之陽樊温原攢茅之田○闕地通路曰隧王之葬禮

甲午二十五年春二月秦襲鄭晉敗秦于穀

晉文公卒秦繆公發兵伐鄭使孟明西乞白乙將蹇叔哭而送其子曰晉人禦師必於穀穀有二陵必死是間

余收爾骨焉及滑滑晉之邊邑也襄公怒遂發兵大敗秦師虜孟明西乞白乙以歸文公夫人秦女謂襄公曰秦欲得其三將戮之襄公遣之○秦今陝西西安府顯頊之裔非子為周孝王主馬封之

丁酉二十八年夏五月秦人伐晉

繆公益厚孟明等使將兵伐晉濟河焚舟取王官及郊以報穀之役

戊戌二十九年秋王命秦伯為西方諸侯伯

秦用由余謀伐益國十二開地千里遂霸西戎王賜繆公以金鼓命為西方諸侯伯三十一年夏繆公卒葬雍從死者百七十七人秦之良臣子輿氏三人亦在從死中秦人哀之為賦黃鳥之詩

頃王名士臣襄王子在位六年

匡王名班頃王子在位六年

甲寅六年秋九月晉趙盾弑其君夷臯

通鑑卷二

前編卷二

周頃王至定王

八

晉靈公不君，盾數諫，公患之，使鉏麇刺盾。晨往，寢門闢矣。盛服將朝，尚早，坐而假寐。麇退，歎曰：「不忘恭敬，民之主也。」殺甲攻之，其右提彌明扶以下。公族夫獒焉。明搏而酒之，伏甲攻之，其右提彌明扶以下。公族夫獒焉。明搏而餓食之，既而與為公介，倒戟以禦公徒，而免之。盾遂奔，未出晉境。己丑，盾之從父昆弟子穿襲殺靈公于桃園。而迎盾。太史董狐書曰：「趙盾弑其君，盾曰：『弑者趙穿，我無罪。』太史曰：『子為正，卿亡不越境，反不討賊，非子而誰？」孔子曰：「董狐，古之良史也，書法不隱。」鉏麇，晉力士，獒，使猛犬也。

定王 名瑜，匡王弟，在位二十一年。

乙卯元年春正月，楚伐陸渾，觀兵周郊，問鼎。

楚莊王伐陸渾之戎，遂至雒，觀兵於周疆。王使王孫滿勞之，楚子問鼎之大小、輕重，對曰：「在德不在鼎。」周德雖衰，天命未改，鼎之輕重，未可問也。楚子慚而退。

甲子十年夏六月，晉屠岸賈殺趙朔于下宮，滅其家。

趙盾卒，子朔嗣，賈為司寇，乃治靈公之賊。曰：「盾為賊首，殺朔滅其族。」朔客孫杵臼，謂朔友人程嬰曰：「胡不死？」嬰曰：「朔之婦有遺腹，若幸而男，吾奉之，居無何，朔婦生男，嬰謂杵臼曰：『立孤與死孰難？』」嬰曰：「死易，立孤難耳。」杵臼曰：「子彊為其難者，吾為其易者。」二人乃謀取他人嬰兒，負之匿山中，諺曰：「誰能與我千金，吾告趙氏。」孤處賈殺杵臼與孤兒，以為趙氏孤。已死，然趙氏之真孤乃在，嬰與俱匿山中，名曰武後，十五年武長，嬰與共謀滅賈。

二月，晉悼公嗣位。

悼公年十四，甚賢明，逐不臣者七人，凡六官之長，皆民譽也。

靈王 名泄，簡王子，在位二十七年。

庚戌二十一年冬十一月，孔子生。按史記書三十二年孔子父叔梁紇，母顏氏，生孔子。

於魯昌平鄉陬邑

癸丑二十四年夏五月齊崔杼弑其君光

崔杼弑莊公太史書曰崔杼弑其君崔子殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還

景王名貴靈王子在位二十五年

丁巳元年夏五月吳子使札聘于魯

吳公子季札聘魯請觀周樂魯人爲奏六代之樂季札初使北過徐徐君好季札劍口弗敢言季札心知之使還至徐徐君已死乃解其寶劍繫之徐君冢樹而去○吳今江南蘇州府太王長子泰伯後周章封此六代樂黃帝雲門堯大章舜韶禹大夏湯大濩武大武

戊午二年冬十月鄭使公孫僑爲政

子產使都鄙有章上下有服田有封洫廬井有伍大夫之忠儉者從而與之泰侈者因而斃之從政一年輿人誦之曰取我衣冠而褚之取我田疇而伍之孰殺子產吾其與之及三年又誦之曰吾有子弟子產誨之我有田疇子產殖之子產而死誰其嗣之○僑字子產其產褚畜也奢侈者畏法故畜藏伍五家相保也其其

己卯二十三年春孔子至京師問禮

孔子適周問禮於老子老子曰良賈深藏若虛君子盛德容貌若愚○老子姓李名耳字伯陽外字聃爲周守藏室之吏

冬十二月鄭大夫公孫僑卒

子產有疾謂子太叔曰我死子必爲政唯有德者能以寬服民其次莫如猛夫火烈民望而畏之故鮮死焉水懦弱民狎而翫之則多死焉仲尼曰善哉政寬則民慢慢則糾之以猛猛則民殘殘則施之以寬寬以濟猛猛以濟寬政是以和子產卒仲尼出涕曰古之遺愛也

悼王 名猛 景王子 在位九月

敬王 名白 悼王弟 在位四十四年

丙申十五年夏六月 楚申包胥乞秦師救楚

初伍員父奢為楚平王所殺 員奔吳 與友申包胥曰 我必覆楚 包胥曰 我必存之 員道吳伐楚 鞭平王尸 三百 昭王奔隨 包胥走秦告急 秦不許 包胥立秦庭 晝夜哭 七日 七夜不絕 其聲哀 公憐之 曰 楚有臣若是 可無存乎 乃遣兵救楚

丑辛二十年夏 魯侯會齊侯于夾谷

魯以孔子為大司寇 齊大夫言於景公曰 魯用孔某 其勢危 齊乃使使告魯為好會 孔子曰 臣聞有文事者必有武備 請具左右司馬 以從會 于夾谷 齊令萊人為樂 欲執魯君 孔子歷階而登 曰 夷不亂華 兵不逼好 兩君會好 夷狄之樂 何為於此 齊侯止之 將盟 齊人加於載 書曰 齊師出境 而不以甲車三百乘從我者 有如此盟

孔子使茲無還揖 對曰 而不反 我汶陽之田 吾以共命者 亦如之 景公歸 告其羣臣 曰 魯以君子之道 輔其君 而子獨以夷狄之道 教寡人 使得罪於魯君 如之何 晏子曰 小人之謝過也 以文 君子之謝過也 以質 乃歸所侵 郚 謹龜陰之田 以謝過 晏子相齊 食不重肉 妾不衣帛 祀其先人 豚肩不掩豆 一狐裘三十年 晏子出其御之妻 從門闕 見其夫 擁大蓋 策駟馬 意氣揚揚 甚自得也 既而歸 其妻恥之 請去 其後夫自抑損 晏子怪而問之 御以實對 晏子薦以為大夫 還音旋 無還魯大夫 晏子名嬰 平謚 仲字

甲辰二十三年冬 魯以孔子攝相事

孔子為魯相 七日而誅魯大夫少正卯 門人問曰 少正卯魯之聞人也 夫子誅之 得無失乎 孔子曰 人有四惡 者五 而盜竊不與焉 心逆而險 行辟而堅 言偽而辯 記醜而博 順非而澤 此五者少正卯兼有之 其居處足以聚徒成黨 言談足以飾邪營眾 彊禦足以反是 獨立此乃人之奸雄 不可以不誅 三月 男女行者別於塗 道不拾遺 男尚忠信 女尚貞順 四方客至 皆如歸焉

乙巳二十四年夏五月吳伐越敗于檇李。

吳伐越越子句踐禦之敗吳于檇李闔廬傷將指卒夫差嗣使人立於庭苟出入必謂已曰夫差而忘越王之殺而父乎則對曰唯不敢忘三年乃報越○越今浙江紹興府少康庶子封此闔廬名光將指大指也

丁未二十六年春吳子敗越于夫椒。

吳王夫差敗越于夫椒報檇李也越子句踐使大夫種因吳太宰嚭以行成吳子將許之伍員曰不可臣聞之樹德莫如滋去疾莫如盡弗聽員退而告人曰越十年生聚而十年教訓二十年之外吳其為沼乎越及吳平

丁巳三十六年冬孔子自衛反魯敘書記禮刪詩正樂序易

繫象說卦文言。

孔子歸魯魯終不能用乃序書傳上紀唐虞之際下至秦穆古詩三千餘篇存三百五篇皆弦歌之禮樂自此可得而述晚而喜易序彖繫象說卦文言讀易韋編三絕以詩書禮樂教子弟蓋三千焉身通六藝者七十有

二人○韋皮也編貫也古者竹為簡貫以熟皮至三次斷絕言讀易之勤

庚申三十九年孔子脩春秋。

因魯史作春秋上自隱公下訖哀公十四年筆則筆削則削游夏之徒不能贊一辭

夏六月齊陳恒弒其君壬立其弟驁。

初齊桓公之世陳公子完得罪於陳奔齊齊桓公使為工正陳舜之後也完奔齊更姓田其後齊亂權歸田氏田氏好施以家量貸于民而以公量收之民皆戴之至是田恒弒簡公○量斗也家量大公量小

辛酉四十年夏熒惑守心。

心宋之分野也景公憂之司星子韋曰可移於相公曰相吾之股肱曰可移於民公曰若者待民曰可移於歲公曰歲飢民困吾誰為君子韋曰天高聽卑君有君人之言三熒惑宜有動果徙三度○宋今河南歸德府紂子武庚封此熒惑火星

元王名仁敬王子在位六年

丙寅元年春吳人殺其公子慶忌

闔閭弒王僚自立又憂慶忌之在鄰國要離曰臣能殺之王曰慶忌勇子力不如要離曰臣詐以負罪出奔願王戮臣妻子斷臣右手慶忌必信臣矣王曰諾要離遂如衛求見慶忌慶忌信其謀揀練士卒遂之吳將渡江於中流刺慶忌慶忌死要離曰殺吾妻子以事其君非仁也為新君而殺故君之子非義也吾何面目以視天下之士遂伏劍而死

戊辰三年冬十一月越滅吳

吳赦越越王句踐反國置膽於坐坐臥即仰膽飲食亦嘗膽也曰女忘會稽之恥耶冬嘗抱冰夏還擁火折節下賢人振貧弔死與百姓同其勞聞吳王好色使相者國中得苧蘿山鬻薪之女曰西施鄭旦教以容步而獻於吳吳太宰嚭數與子胥爭越議讒之王乃使子胥於齊聞其託子於鮑氏王大怒賜子胥屬鏹劍以自殺於

是吳任詔政至是越大破吳棲吳王於姑蘇之山吳使肉袒膝行請成句踐欲許之范蠡曰君王謀之二十二年一旦棄之可乎遂進兵夫差自剄死乃蔽其面曰吾無以見子胥也句踐已平吳北渡淮致貢于周王賜之胙命為伯

越范蠡去越越子殺其大夫文種

蠡去自齊遺大夫種書曰蜚鳥盡良弓藏狡兔死走狗烹越王為入長頸烏喙可與同患難不可與同安樂子何不去種見書稱疾不朝人或讒種作亂越王乃賜種劍種自殺蠡浮海出齊變姓名自謂鴟夷子皮耕於海畔致數千萬齊人聞其賢以為相蠡嘆曰居家則致千金居官則致卿相此布衣之極也久受尊名不祥乃歸相印盡散其財而懷重寶間行以去止于陶復約要父子耕畜廢居候時轉物逐什一之利致貲累巨萬天下稱陶朱公○鴟夷革囊浮海之器故以為號

貞定王名介元王子在位二十八年

癸未十一年。晉荀瑤智伯與趙氏襄子韓氏康子魏氏桓子滅

范氏射。中行氏寅而分其地。晉侯道死。

初晉有智氏趙氏韓氏魏氏范氏中行氏號為六卿出公卑弱不能制智伯與趙韓魏共分范氏中行氏地以爲邑出公告齊魯請伐四卿四卿共攻出公出公奔齊道死

丙十四年。晉荀瑤約魏駒韓虎攻趙無恤。無恤出奔。

初趙簡子使尹鐸爲晉陽請曰以爲繭絲乎抑爲保障乎簡子曰保障哉尹鐸損其戶數簡子誠無恤曰吾國有難無以晉陽爲遠必以爲歸智伯帥韓魏之甲攻襄子乃走晉陽十五年荀瑤及韓魏圍晉陽而灌之城不浸者三版沈竈產鼃民無叛意○無恤簡子子襄子尹鐸簡子家臣晉陽趙邑繭絲賦民以自益保障輕賦而民歸爲吾守也損戶數減賦稅也

戊十六年。晉趙毋恤約魏駒韓虎反攻荀瑤滅之。三分其

地。

毋恤遣使潛約駒虎共滅瑤分其地使人殺守隄吏而決水灌瑤軍軍亂魏韓翼而擊之遂殺瑤滅其族而分其地毋恤漆瑤頭以爲酒器瑤臣豫讓詐爲刑人挾匕首入毋恤宮中塗廁左右欲殺之毋恤曰義士也吾避之讓又漆身爲癩吞炭爲啞行乞於市其友謂之曰以子之才臣事趙孟必得近幸子乃爲所欲爲顧不易邪讓曰委質爲臣而求弒之是二心也吾所以爲此者將以愧天下後世爲入臣而懷二心者也夜伏於橋下毋恤遇之面數之曰子事范中行氏智伯滅之而不爲報讐智伯死獨何爲報讐之深也讓曰范中行氏以衆人遇臣臣故衆人報之智伯以國士遇臣臣故國士報之請擊君衣雖死不恨毋恤義之持衣與讓讓拔劍三躍呼天擊之曰可以報智伯矣遂自殺

考王名嵬貞定王少子在位十五年。

貞定王崩長子去疾踐位是爲哀王哀王立三月弟叔襲殺之而自立是爲思王思王立五月少弟嵬攻殺之

而自立

乙卯十五年西周公封其子班於鞏以奉王

初考王封弟揭於河南是為河南桓公卒子威公立威公卒子惠公立至是惠公復自封其少子於鞏以奉王號東周而河南惠公遂自號為西周矣

通鑑要目卷二

通鑑要目錄 正編

第一卷

起戊寅周威烈王二十三年
盡甲午秦二世皇帝三年

第二卷

起乙未楚義帝西楚霸王漢高
帝元年盡辛酉漢高后八年

第三卷

起壬戌漢文帝元年盡
甲午漢武帝後元二年

第四卷

起乙未漢昭帝始元元
年盡甲申淮陽王二年

第五卷

起乙酉漢光武帝建武元年
盡乙亥漢明帝永平十八年

第六卷

起丙子漢章帝建初元年
盡己巳漢靈帝中平六年

第七卷

起庚午漢獻帝初平元年
甲申魏咸熙吳元興元年盡

第八卷

起乙酉晉武帝泰始元年
年盡丙子晉愍帝四年

第九卷

起丁丑晉元帝建武元年
盡庚申晉恭帝元熙二年

第十卷

起辛酉宋武帝永初二年
盡丙子梁敬帝太元二年

第十一卷

起丁丑陳武帝永定元年
盡丁丑隋恭帝義寧元年

第十二卷

起戊寅唐高祖武德元年
己酉唐太宗貞觀二十三年

第十三卷

起癸丑唐高宗永徽四年
盡壬子唐睿宗太極元年

第十四卷

起癸丑唐玄宗開元元年
丙申唐玄宗天寶十五載

第十五卷

起丁酉唐肅宗至德二載盡
甲申唐德宗興元二十年

第十六卷

起乙酉唐順宗永貞元年
盡甲辰唐穆宗長慶四年

第十七卷

起乙巳唐敬宗寶歷元年盡
癸巳唐懿宗咸通十四年

第十八卷

起甲午唐僖宗乾符元年
盡丙寅唐昭宗天祐三年

第十九卷

起丁卯梁太祖開平元
年盡己未周恭帝元年

通鑑要正編目錄

通鑑要卷一 正編

雲間 姚培謙平山 同錄

張景星二銘

同學傅王露閔林參閱

威烈王 名午考王子在
位二十四年

戊寅二十三年初命晉大夫魏斯趙籍韓虔為諸侯

魏文侯名斯桓子之孫以卜子夏田子方為師每過段
干木之廬必式賢士多歸之子擊逢子方於道下車伏
謁子方不為禮擊怒謂子方曰富貴者驕人乎貧賤者
驕人乎子方曰富貴者安敢驕人諸侯驕人則失其國
大夫驕人則失其家嘗與虞人期獵是日飲酒樂天雨
將出左右止之文侯曰吾與虞人期獵雖樂安可不
會期哉乃往身自罷之卜相謂李克曰家貧則思良妻
國亂則思良相魏成翟璜二子何如對曰居視其所親

富視其所與，達視其所舉，窮視其所不為，貧視其所不取，五者足以定之矣。文侯曰：寡人之相，定矣。乃以成爲相。齊伐魯，魯欲以衛人吳起爲將，起取齊女，魯人疑之，起殺妻以求將，大破齊師，或譖起，母死不奔喪，又殺妻以求將，殘忍薄行人也。起恐聞文侯賢，往歸之，文侯以爲將，擊秦拔五城，起爲將，與士卒同勞苦，卒有病疽者，起爲吮之，卒母聞而哭，曰：往年吳公吮其父，其父戰不還踵，死於敵，今又吮其子，妾不知其死所矣。魏今河

南開封府，斯與周同姓，畢公高裔。趙烈侯籍襄子之孫，好音，謂相國公仲連曰：寡人有愛，可以貴之乎？連曰：富之可貴，貴之則否。烈侯曰：然。鄭歌者槍石二人，吾賜之田，人萬畝，連諾而不與。烈侯屢問，連稱疾不朝。番吾君謂連曰：君實好善，而未知所持。公仲亦有進士乎？連曰：未也。曰：牛畜荀欣、徐越，皆可。連進之。畜侍以仁義，烈侯曰：迫然。明日，欣侍以舉賢，使能，明日，越侍以節財儉用，察度功德，所與無不充。烈侯說，乃謂連曰：歌者之田且止。

○趙今北直廣平府，與秦共祖。造父後，槍石二人，名。○韓今河南南陽府，與周同姓。武子後，厥爲晉卿，八世生康子虎、虎孫虞，是爲景侯。

安王

名驕，威烈王子，在位二十六年。

甲申五年，盜殺韓相俠累。

嚴仲子事韓侯，與韓相俠累有郤，聞齊人聶政勇，以黃金百鎰爲政母壽，欲因以報讐。政曰：老母在，政身未敢以許人，及母卒，政往見仲子，仲子使刺累，累方坐府上，兵衛甚嚴，政直入刺之，累走，因自皮面抉眼，屠腸而死。韓取政尸暴於市，購問莫能識，縣購千金，久之莫知也。政姊螢聞而往哭之，曰：是軹深井里聶政也，妾奈何畏沒身之誅，終沒賢弟之名，亦自殺於尸下。○仲子名遂，俠累國策作韓傀，皮面抉眼，刺其面皮，出其眼睛，令人不識也。螢一作榮。

甲午十五年，魏吳起奔楚楚，以爲相。

魏武侯浮於西河，稱河山之險，吳起曰：在德不在險，君不修德，舟中之人盡爲敵國也。魏相田文起，不悅，謂文曰：將三軍，使士卒樂死，子孰與起？治百官，親萬民，實府庫，子孰與起？守西河，秦兵不敢東鄉，韓趙賓從，子孰與

起三者子皆出吾下而位加吾上何也文曰主少國疑大臣未附百姓不信方是之時屬之子乎屬之我乎起默然良久曰屬之子矣後武侯疑之起遂奔楚楚悼王任之為相南平百越北卻三晉西伐秦諸侯皆患楚之疆而楚貴戚大臣多怨起悼王卒攻殺之

乙未十六年初命齊大夫田和為諸侯和恒曾孫

初田和遷其君貸於海上既而求為諸侯王許之貸卒無子田氏遂并齊

烈王名喜安王子在位七年

辛亥六年齊侯封即墨大夫烹阿大夫

齊威王名即墨大夫語之曰子居即墨毀言日至及視即墨田野闢人民給官無事東方以寧是子不事吾左至及視阿田野不闢人民貧餒是子厚幣事吾左右以求譽也是日烹阿大夫及左右嘗譽者於是羣臣莫敢飾詐齊國大治

顯王名扁烈王弟在位四十八年

庚申八年衛公孫鞅入秦

秦孝公不得與中國會盟發憤修政欲以彊秦令國中曰賓容羣臣有能出奇計彊秦者吾且尊官與之分土鞅聞之入秦鞅衛之庶孫也好刑名之學事魏相公叔座座病魏惠王往問之因曰座之中庶子衛鞅年雖少有奇才願君舉國而聽之君即不用必殺之無令出境王許諾而去公叔召鞅謝曰吾先君而後臣故先為君謀後以告子子必速行鞅曰君不能用子之言任臣又安能用子之言殺臣乎鞅至秦因嬖臣景監以求見說以富國彊兵之術孝公大悅與議國事

壬戌十年秦以衛鞅為左庶長定變法之令

衛鞅欲變法秦人不悅鞅言於孝公曰夫民不可與慮始而可與樂成論至德者不和於俗成大功者不謀於眾是以聖人苟可以彊國不法其故公曰善遂定變法之令恐民不信乃立三丈之木於國都市南門募民有

能徙置北門者，予五十金，有一人徙之，輒予五十金，乃下令太子犯法，鞅曰：「法之不行，自上犯之。」太子君嗣也，不可施刑，刑其傅公子虔，黥其師公孫賈，於是秦人皆趨令。

丙寅十四年齊魏會于郊。

魏惠王問齊威王曰：「齊亦有寶乎？」威王曰：「無有。」惠王曰：「寡人國雖小，而有徑寸之珠，照車前後各十二乘者十枚，豈以齊大國而無寶乎？」威王曰：「寡人之寶與王異，吾臣檀子守南城，則楚人不敢為寇；泗上盼子守高唐，則趙人不敢漁于阿；黔夫守徐州，則燕人祭北門，趙人祭西門，徙而從者七十餘家，有種首者，使備盜賊，則道不拾遺。此四臣者，將照千里，豈特十二乘哉？」惠王慚，祭門燕趙畏齊，伐故祭以求福。

戊辰十六年齊伐魏以救趙。

初，孫臏與龐涓俱學兵法，涓事魏，自以能不及臏，乃陰使召臏，臏至則斷其兩足而黥之，使終身廢棄。齊使者竊載以歸，齊將田忌進之威王，魏伐趙，威王使忌為將而臏為師，居輜車中坐為計謀，大破魏軍。

庚午十八年韓以申不害為相。

不害之學本於黃老，而主刑名，著書二篇，號曰「申子」。韓昭侯用為相，內修政教，外應諸侯，終申子之身，國治兵彊。昭侯有敝袴，命藏之，侍者曰：「君亦不仁者矣。」不賜，左右而藏之。昭侯曰：「吾聞明主愛一頓，一笑，頓有為，頓笑有為，笑今袴豈特頓哉？吾必待有功者。」

乙亥二十三年衛服屬三晉。

時三晉彊盛，衛如小侯屬之。初，子思言苟變於衛，侯曰：「其材可將，五百乘，衛侯曰：『變嘗為吏賦於民，而食人二雞。』」子思曰：「聖人官人，猶匠之用木，取其所長棄其所短，今君以二卵棄千城之將，此不可使聞於隣國也。」衛侯言計非是，而羣臣和者如出一口。子思曰：「君之國事將日非矣。」君出言自以為是，卿大夫莫敢矯其非，卿大夫出言自以為是，士庶人莫敢矯其非，君臣既自賢矣，而羣下同聲賢之，賢之則順，而有福，矯之則逆，而有禍，如此則善安從生。

庚辰二十八年。魏伐韓。齊伐魏。以救韓。殺其將龐涓。虜太子申。

魏使龐涓伐韓。韓請救於齊。齊使田忌將孫臏為師。以救韓。直走魏都。涓聞之。去韓而歸。魏大發兵。使太子申將以禦齊師。臏以魏素輕齊。乃使齊軍入魏地。為十萬。龐涓日為五萬。又明日為二萬。龐涓大喜。曰。吾固知齊軍怯。入吾地三日。士卒亡者過半矣。乃倍日併行。逐之。臏度其行。暮當至馬陵。斫大樹。白而書之。曰。龐涓死此樹下。令萬弩夾道而伏。期日暮。見火舉而俱發。涓果夜至。見白書。以火燭之。讀未畢。萬弩俱發。魏師大亂。涓自頸曰。遂成豎子之名。齊因乘勝大破魏師。虜太子申。○龐者。軍士炊爨之具。滅之以示士死亡。

癸未三十一年。秦人誅衛鞅。滅其家。

初。秦使鞅將兵伐魏。大破魏師。還封之商於十五邑。號為商君。商君用法嚴酷。嘗臨渭論囚。渭水盡赤。相秦十年。人多怨之。孝公卒。公子虔之徒告鞅欲反。發吏捕之。鞅亡。至關下。欲舍。客舍舍人曰。商君之法。舍人無驗者。坐之。鞅歎曰。為法之弊。一至此哉。去之。魏人內之。秦惠王車裂以徇。

子戊三十六年。燕趙韓魏齊楚合從以擯秦。以蘇秦為從約長。并相六國。

洛陽人蘇秦說秦惠王以兼天下之術。不用。乃去。說燕文公曰。燕之所以不被兵者。以趙之為蔽。其南也。願王與趙從親。則燕必無患矣。從之。說趙肅侯曰。秦不敢伐趙者。畏韓魏之議其後也。若一韓魏齊楚燕趙為從親。以擯秦。相約者。五國共伐之。則秦甲必不敢出函谷以害山東矣。肅侯大悅。厚賜資之。以約於諸侯。說韓魏齊楚亦許之。於是秦為從約長。并相六國。初。秦說韓魏齊楚大困。而歸妻不下紕。嫪不為炊。父母不與言。及相六國。北報趙王。路過洛陽。昆弟妻嫪側目。不敢仰視。秦笑謂嫪曰。何前倨而後恭也。嫪曰。見季子位高金多。秦曰。人能世上。勢位富厚。蓋可忽乎哉。使我有負郭田二頃。豈能佩六國相印乎。○季子。秦相字。

己三十七年。秦以齊魏之師伐趙。蘇秦去趙適燕。從約皆解。

秦使公孫衍欺齊魏與共伐趙。欲敗從約。齊魏伐趙。趙肅侯讓秦。秦恐請使燕。必報齊。秦去趙而從約皆解。

癸巳四十一年。秦客卿張儀伐魏。取蒲陽。既而歸之。魏盡入

上郡以謝秦。以儀為相。

魏人張儀與蘇秦俱事鬼谷。學從橫之術。秦恐秦伐趙而敗。從約乃召儀而辱之。以激怒儀。儀念諸侯獨秦能苦趙。遂入秦。秦陰遣其舍人齎金幣資儀。儀得見秦王。秦王說之。以為客卿。舍人辭去。曰：蘇君憂秦伐趙。敗從約。以為非君莫能得秦柄。故激怒君。使臣陰奉給君資。盡蘇君之計謀。儀曰：嗟乎！此吾在術中而不悟。吾不及蘇君明矣。為吾謝蘇君。蘇君之時。儀何敢言。至是將兵伐魏。取蒲陽。言於秦王。請復以與魏。而使公子繇質焉。儀因說魏王曰：秦之遇魏甚厚。魏不可無禮於秦。魏因盡入上郡十五縣以謝儀。歸而相秦。○鬼谷姓王。名魏。諱

丁酉四十五年。蘇秦自燕奔齊。

秦通於燕。文公之夫人恐得罪。乃說燕易王曰：臣居燕不能使燕重。而在齊則燕重。王許之。乃偽得罪於燕。而奔齊。齊宣王以為客卿。秦說齊王。高宮室。大苑囿。以明得意。欲以敝齊而為燕。其後齊大夫多與秦爭寵。使人刺秦。秦且死。謂齊王曰：王車裂臣以徇於市。則賊必得如其言。殺秦者果自出。齊王誅之。

戊戌四十六年。秦相張儀免。出相魏。

秦詐免儀。相使歸。相魏欲令魏先事秦。而諸侯效之。魏王不聽。秦怒伐魏。取二邑。復陰厚儀。益甚。儀慙無以歸。報雷。

庚子四十八年。齊號薛公田文為孟嘗君。

初齊王封田嬰於薛。號曰靖郭君。嬰賤妾之子。曰文。個儻。饒智。略說靖郭君。以散財養士。靖郭君使文主家。待賓客。賓客爭譽其美。請以文為嗣。嬰卒。文嗣立。號孟嘗君。廣招遊士。食客嘗數千人。名重天下。

慎靚王名定顯王子在位七年

甲辰四年魏請成于秦張儀歸復相秦

儀說魏襄王曰今親兄弟同父母尚有爭錢財相殺傷而欲恃反覆蘇秦之餘謀其不可成亦明矣魏王乃倍從約因儀以請成於秦儀歸復相秦

乙巳五年秦伐蜀取之

巴蜀相攻俱告急于秦司馬錯請惠王起兵伐蜀取之秦益富強

燕君噲以國讓其相子之

燕相子之與蘇秦之弟代婚欲得燕權代使齊歸燕王問曰齊王其霸乎對曰不能不信其臣於是燕王專任子之鹿毛壽謂王曰人謂堯賢者以其能讓天下也今王以國讓子之是王與堯同名也燕王因屬國於子之
○屬音燭付也

赧王名延慎靚王子在位五十九年

丁未元年齊伐燕取之

燕子之為王三年國內大亂齊王使章子伐燕燕士卒不戰城門不閉齊人取子之醢之遂殺故燕君噲

戊申二年楚屈匄伐秦

秦欲伐齊患其與楚從親乃使張儀說楚懷王閉關絕約於齊請獻商於之地六百里懷王許之羣臣皆賀陳軫獨弔曰秦之所以重楚以其有齊也今絕齊則楚孤秦奚貪夫孤國與之六百里地哉儀至秦必負王是王北絕齊交而西生患於秦也懷王曰願子閉口毋復言乃厚賜儀而閉關絕約於齊使一將軍隨儀至秦儀佯墮車不朝楚王聞之曰儀以寡人絕齊未甚耶北罵齊王齊王大怒折節事秦齊秦之交合儀乃朝見楚使者曰臣有奉邑六里願以獻王使者還報楚王大怒欲發兵攻秦軫曰軫可發口言乎攻之不割地以賂秦與之并兵而攻齊是我亡地於秦而取償於齊也王不聽使屈匄擊秦秦齊共攻楚斬首八萬殺屈匄遂取漢中

楚復襲秦又大敗於藍田楚割兩城以和

己酉三年燕人立太子平為君

燕人共立平是為昭王昭王身身厚幣欲得賢士共國以雪中先王之恥郭隗曰古人有以千金求千里馬者馬已死涓人買其骨五百金而返君怒涓人曰死馬且買之况生者乎不期年千里馬至者三今王欲致士先從隗始昭王為隗改築宮而師事之於是樂毅鄒衍劇辛皆往士爭趨燕○涓潔也主居中潔除之人

庚戌四年秦使張儀說楚韓齊趙燕連衡以事秦秦君卒諸侯復合從

秦要楚欲得黔中地以武關外易之楚王曰不願易地願得張儀而獻黔中儀請行秦王曰楚且甘心於子儀曰臣善其左右靳尚尚得事楚王幸姬鄭袖袖言無不從者遂往楚王囚儀欲殺之儀教尚謂袖曰秦王甚愛張儀將以六縣及美女贖之王重地尊秦秦文必貴而夫人必斥矣於是袖日夜泣於楚王曰臣各為其主耳

今殺儀秦必大怒妾請子母俱遷江南母為秦所魚肉也王乃赦儀厚禮之儀因說楚王曰夫為從者無異於驅羣羊而攻猛虎不格明矣請令秦楚長為兄弟之國楚王許之去楚說韓說齊說趙說燕皆許事秦儀歸報未至而惠王薨子武王立武王自為太子時不悅儀諸侯聞之皆畔衡復合從儀復出相魏一歲卒

癸丑七年秦甘茂伐韓宜陽拔之

秦使甘茂伐韓茂曰魯人有與曾參同姓名者殺人告其母母織自若也及三人告之其母投杼下機踰牆而走臣之賢不若曾參王之信臣不如其母疑臣者非特三人臣恐大王之投杼也秦王乃與盟於息壤茂攻宜陽五月不拔擣里子公孫與果爭之秦王欲罷兵茂曰息壤在彼秦王起兵佐茂遂拔宜陽

壬戌十六年秦伐楚取八城遂誘楚君槐于武關執之以歸楚人立太子橫

秦昭王遺書誘楚懷王會武關面結盟昭雖屈平曰秦虎狼之國不可信王稚子子蘭勸王行王入武關秦伏

兵絕其後，留懷王，楚立太子橫為王。○屈原名平，楚同姓，為懷王左徒，博聞彊志，明於治亂，王甚任之。上官大夫讒之，王疏平，平憂愁幽思，而作離騷，以冀王之一寤。而王終不寤也。其後子蘭又譖之於頃襄王，王怒遷之。江南平懷石自投汨羅以死。

癸亥十七年齊田文自秦逃歸。

文齊宣王姪，父嬰卒，代立于薛。秦昭王聘為相，或說昭王曰：「文相秦必先齊而後秦，秦其危矣。」昭王囚文欲殺之。文使人求救于王之幸姬，姬欲得其狐白裘而文先以獻於昭王矣。客有善為狗盜者，夜為狗入秦宮藏中，盜裘以獻，姬為言於王而釋之。文得出，即馳去，夜半至函谷關，昭王後悔追之，關法雞鳴乃出客，時尚早，追者將至，客有能為雞鳴而雞盡鳴，遂出，文還。與韓魏攻秦，敗秦軍，秦割河東三城以和。

趙君封弟勝為平原君。

勝好士，食客嘗數千人。有公孫龍者，善為堅白同異之辯，孔子玄孫穿與龍論臧三耳，龍甚辯析，穿曰：「謂三耳

甚難而實非也，兩耳甚易而實是也。勝謂龍曰：「公無復與孔子高辯事，其入理勝於辭，公辭勝於理，辭勝於理，終必受詘。」○公孫龍嘗著守白論，堅白即守白，堅執其說而守之，同異合異以為同也。奴曰：「臧三耳者，兩耳形也，兼聽而言，可得為三。」子高穿字。

乙亥二十九年齊滅宋。

宋有雀生鱗，史占之曰：「吉，小而生，巨必霸天下。」康王喜，起兵滅滕，敗齊楚魏，取地數百里，欲霸之，亟成射天筮。地斬社稷而焚滅之，為長夜之飲於室中，室中人呼萬歲，則堂上之人應之，堂下之人應之，門外之人又應之。至於國中，無敢不呼者。天下謂之桀宋，齊伐之，王走死温。○雀，小鳥，鱗，鵠屬，一作鷓。

丁丑三十一年燕上將軍樂毅以秦魏韓趙之師伐齊，齊君出走，其相淖齒弑之，下齊七十餘城，燕封毅為昌國君。

齊湣王滅宋而驕，燕昭王使毅為上將軍，約秦魏韓趙之師伐齊。湣王走，莒楚使淖齒將兵救齊，因為齊相，齒

欲與燕分齊地遂弑湣王毅聞畫邑人王蠋賢令軍中環畫邑三十里無入使人請蠋蠋曰忠臣不事二君烈女不更二夫齊王不用吾諫國破君亡吾不能存而人欲劫之以兵與其不義而生不若死遂自經死毅禁侵掠禮逸民寬賦斂除暴令修舊政齊民喜悅六月之間下齊七十餘城燕封毅為昌國君

寅 三十二年齊人討殺淖齒而立其君之子法章保莒城

淖齒之亂湣王子法章變名姓為莒太師敦家傭敦女竒法章狀貌憐而竊衣食之與之通湣王從者王孫賈失王處而歸其母曰汝朝出晚來則吾倚門而望暮出不還則吾倚閭而望汝事王王走不知其處尚何歸焉賈乃入市呼曰淖齒亂齊國殺湣王欲與吾誅之者袒右市人從者四百人攻齒殺之立法章為王保莒城以拒燕敦音敵備備作也

趙使藺相如獻璧于秦

趙得楚和氏璧秦王請易以十五城藺相如曰臣願奉璧而往城不入請完璧而歸王遣之相如至秦既獻璧

視秦王無意償城乃給取璧遣從者懷之間行歸趙而以身待命于秦秦王賢而歸之○卞和得璞于楚山中獻之楚王以為石而刖其足和抱玉泣王使玉人破之得寶給欺也

庚辰 三十四年楚謀入寇王使東周公喻止之

楚欲圖周王使東周公謂楚令尹昭子曰西周之地不過百里而名為天下共主裂其地不足以肥國得其眾不足以勁兵而攻之者名為弑君然而猶有欲攻之者見祭器在焉夫虎肉臊而兵利身人猶攻之若使澤中之麋蒙虎之皮人之攻之必萬倍矣今子欲誅殘天下之共主居三代之傳器南則兵至矣於是楚計不行○祭器九鼎也此器自禹鑄之傳于周故曰三代傳器虎以爪牙為兵利於防身而人欲攻之以皮之所在也

壬午 三十六年秦趙會于澠池

秦趙會於澠池酒酣秦王請趙王鼓瑟趙王鼓之藺相如請秦王擊缶秦王不肯相如曰五步之內臣請得以

頸血濺大王矣。左右欲刃相如，相如張目叱之，左右皆靡。秦王為一擊缶，趙王歸以相如為上卿，位在廉頗右。頗曰：「我有攻城野戰之功，相如徒以口舌之位加我，我必辱之。」相如聞每避頗，其舍人皆以為恥。相如曰：「以秦之威而相如廷叱之，獨畏廉將軍哉？顧吾念之，秦所以不敢加兵於趙者，以吾兩人在也。今兩虎共鬪，勢不俱生，吾所以為此者，先國家之急而後私讐也。」頗聞之，肉袒負荊謝罪，遂為刎頸交。○缶，盛酒瓦器，秦俗擊之以樂節。

燕君平卒，樂毅奔趙。田單襲破燕軍，盡復齊地。齊君入臨淄，封單為安平君。趙封樂毅為望諸君。

毅圍即墨，莒二邑，三年猶未下。或讒於昭王曰：「毅呼吸之間，克七十餘城，今不下兩城者，欲久仗兵威以服齊人，南面而王耳。」昭王置酒大會，引言者斬之，遣國相立毅為齊王。毅惶恐不受，拜書以死自誓。昭王薨，惠王立，田單乃縱反間曰：「齊人惟恐他將來，即墨殘矣，惠王使騎劫代將，毅奔趙，單乃收城中牛千餘，束兵刃於其角，灌脂束葦於其尾，鑿城數十穴，夜縱火燒葦，端壯士五千人隨之，牛熟怒奔燕軍，所觸盡死，傷燕軍大敗，追亡逐北，齊七十餘城皆復焉。」乃迎襄王於莒，入臨淄，王以太史敷之女為后，太史敷曰：「女不媒自嫁，污吾世終身不見。」君王后，君王后亦不以不見故失人子之禮。○趙王與毅謀伐燕，毅泣曰：「臣疇昔之事昭王，猶今日之事大王，若復得罪在他國，終身不敢謀趙之奴隸，況子孫乎？」趙王乃封毅於觀津，號望諸君。燕王恐趙用之以乘其敵，乃使人讓毅，且謝之曰：「將軍捐燕歸趙，自為計則可矣，而何以報先王所以遇將軍之意乎？」毅報書曰：「免身立功，以明先王之迹，臣之上計也。懼毀辱之誹謗，墮先王之名，臣之大恐也。臨不測之罪，以幸為利，義之所不敢出也。古君子交絕不出惡聲，忠臣去國不潔其名。臣雖不佞，數奉教於君子矣。燕復以毅子間為昌國君，而毅往來復通燕，後卒於趙。○灌脂束葦縛束葦草于牛尾，以脂油灌之也。幸幸免也。」

薛公田文卒。

初文好客，有馮驩彈其劍而歌曰：「長鋏歸來乎，食無魚，遷之幸舍，食有魚。」又歌曰：「長鋏歸來乎，出無輿，遷之代。」

舍出有與後使收債於薛貧不能與息者驩取券燒之齊廢文客皆去驩說齊王復文相位文欲辱諸客驩曰富貴多士貧賤寡交事之固然也文遇客如故文卒諡為孟嘗君諸子爭立齊魏共滅薛○幸舍代舍及傳舍上中下三等客所舍之名

子戊四十二年趙魏伐韓秦救之大破其軍魏割南陽以和

魏議割南陽予秦以和蘇代曰以地事秦猶抱薪救火薪不盡火不滅王不聽

卯辛四十五年秦以范雎為客卿

魏人范雎嘗從中大夫須賈使齊襄王聞其辯口賜賈金賈疑雎以國陰事告齊歸告其相魏齊怒笞擊雎折脇搢齒雎佯死卷以箚置廁中賓客醉者更溺雎雎告守者得出更姓名曰張祿秦謁者王稽使魏載與俱歸薦之昭王王見之離宮雎佯為不知永巷而入其中王來宦者逐之曰王至雎諂曰秦安得王獨有太后穰侯耳王聞乃屏左右跪而請教雎唯唯者三王曰先生幸不幸教寡人耶雎曰臣羈旅之臣也交疎於王而所

願陳者皆匡君之事處人骨肉之間願效愚忠而未知王之心此所以主三問而不敢對也王跪曰事無大小願先生悉以教寡人雎見左右多竊聽者先言外事以觀王之俯仰曰以秦國之勇以治諸侯譬若馳韓盧而搏蹇兔也王如遠交而近攻得寸則王之寸得尺則王之尺夫韓魏中國之處而天下之樞也王欲霸必親中國為天下樞以威楚趙則齊附而韓魏因可虜矣王曰善乃以雎為客卿○韓盧犬名喻秦彊也天下樞猶言出入往來必由之處

未乙四十九年秦君廢其母逐魏冉以范雎為丞相封應侯

雎說昭王廢太后逐穰侯雎既相秦秦號曰張祿而魏不知魏使須賈於秦雎聞之為微行敝衣間步見賈賈驚曰范叔一寒如此哉乃取一綈袍以賜之賈入相府雎盛陳帷帳見之賈頓首謝罪雎曰汝罪有三然所以得無死者以綈袍戀戀有故人之意為我告魏王急持魏齊頭來不然我且屠大梁賈歸告齊齊走趙匿平原君所○綈厚繪

辛丑五十五年秦白起坑趙卒四十萬。

秦伐韓上黨守馮亭以其地歸趙平陽君豹曰此欲嫁禍於趙也弗受平原君請受之秦使王齕攻上黨拔之。上黨民走趙齕因伐趙。趙將堅壁不出秦相應侯使人及間曰秦獨畏馬服君之子括為將耳。趙王遂以括代頗將。蔣相如曰王以名使括括徒能讀其父書傳不知合變也。括母亦上書言括不可使。王弗聽。秦乃陰使起為上將而齕為裨將。令軍中弗泄。括至軍悉更約束。出兵擊秦起佯敗走張二奇兵以劫之。括乘勝追造秦壁。壁堅拒不得入。而秦奇兵絕其後。趙軍食絕四十日。括自出搏戰。秦射殺之。卒四十萬人皆降。起挾詐盡坑之。遺其小者二百四十人歸趙。

卯癸五十七年秦伐趙趙公子勝如楚乞師楚黃歇帥師救

趙

秦攻趙邯鄲趙使勝求救於楚勝約門下客文武備具者二十人皆得十九人餘無可取者毛遂願備員而行

勝曰夫賢士處世譬若錐之處囊中其末立見今先生未有所聞也遂曰臣乃今日請處囊中耳使遂蚤得處囊中乃脫穎而出非特其未見而已勝與遂偕至楚與楚王言合從利害久不決遂按劍歷階而上曰從之利害兩言決耳今日出而言日中不決何也且以楚之彊為白起小豎子所挫合從者為楚非為趙也楚王曰唯遂遂奉銅盤跪進之楚王曰王當歃血而定從次遂手招十九人相與歃血於堂下曰公等錄錄所謂因人成事者也楚乃使歇將兵救趙勝歸曰不敢復相天下士矣。○歇楚相考烈王封為春申君穎錐芒也。

魏晉鄙帥師救趙次于鄴公子無忌襲殺鄙奪其軍以進大破秦軍。

魏使鄙救趙秦王使謂魏曰趙旦暮且下救者必移兵擊之魏王恐止鄙壁鄴又使將軍新垣衍說趙王欲共尊秦為帝以卻其兵。魯仲連聞之往見衍曰彼秦者棄禮義而上首功之國也。即肆然而為帝則連有蹈東海而死耳。且秦無已而帝行天子號令奪其所憎而與其所愛梁王安得晏然乎。衍再拜曰吾乃今知先生天下

士也，不敢復言。帝秦矣。初，魏公子無忌仁而下士，食客三千人。魏有隱士侯嬴，年七十，家貧，為大梁夷門監者。無忌置酒，大會賓客，坐定，無忌自迎侯生，引之上坐，賓客皆驚。及秦圍趙，趙平原君夫人無忌姊也，讓魏救不至。無忌數請魏王，王不聽。嬴曰：「吾聞晉鄙兵符在王臥內，如姬最幸，力能竊之。」公子嘗為如姬報其父讐，如姬欲為公子死，無所辭。無忌如其言，得兵符。嬴曰：「將在外，君令有所不受。」臣客朱亥力士，可與俱。鄙不聽，使擊之。至鄴，鄙合符，果疑之。亥推殺鄙，無忌將兵而進，大破秦軍。無忌竟留趙。平原君欲封魯仲連，連不受，乃以千金為壽。連笑曰：「所貴於天下士者，為人排患釋難，解紛亂而無取也。即有取者，是商賈之事，連不忍為也。」遂辭去。○無忌，魏昭王子，封信陵君。秦法，斬一人首，賜爵一級，符、信也。

甲辰 五十八年 秦太子之子異人自趙逃歸。

秦太子妃華陽夫人無子，夏姬生子異人，質於趙。困不得意，陽翟大賈呂不韋見之，曰：「此奇貨可居。」乃請以千金為子西游，立子為嗣。異人曰：「必如君策。」秦國與子共之，不韋乃買奇物玩好，西游秦，求見華陽夫人姊，而以其物獻華陽夫人，因使其姊說曰：「吾聞以色事人者，色衰而愛弛，今蚤自結于諸子中，賢孝者舉立以為適，而子之百歲後，所子者王，終不失勢。今異人賢，誠以此時拔以為適，夫人則竟世有寵於秦矣。」華陽夫人以為然，承間言之，太子許之。因請不韋為之傅，不韋娶邯鄲姬，絕好者與居，知其有身，異人見而請之，不韋佯怒，既而行，金予守吏，得脫，亡赴秦軍，遂得歸。○異人，一名楚，居蓄積也，以異人方財貨，言可居蓄以乘時射利。

乙巳 五十九年 秦伐韓趙，王命諸侯討之。秦遂入寇，王入秦，盡獻其地，歸而卒。

丙午 周民東亡，秦取其寶器，遷西周公於愚狐聚。

庚戌 趙公子勝卒。

東周君 見前編考王下，在位七年。

辛亥

東周君六年秦孝文王柱即位三日而薨子楚立

燕拔聊城齊伐取之。

燕將攻齊聊城拔之或譖之燕孝王燕將保聊城不敢歸齊田單攻之歲餘不下魯仲連乃為書約之矢以射城中燕將見書泣三日遂自殺單克聊城齊王欲爵仲連仲連逃之海上曰吾與富貴而詘於人寧貧賤而輕

世肆志焉

壬子

東周君七年秦莊襄王楚元年

秦以呂不韋為相國封文信侯。○秦

滅東周遷其君於陽人聚。

甲寅秦伐魏魏公子無忌率五國師敗之。

蒙驁帥師伐魏魏王使人請無忌於趙無忌畏罪不肯還客毛公薛公曰公子所以重於諸侯者以有魏也今魏急而公子不恤一旦夷先王之宗廟公子何面目立天下乎語未畢無忌趣駕還魏魏王以為上將軍諸侯聞之皆遣兵救魏無忌率五國之師敗驁於河外追至函谷關秦兵不敢出時無忌威振天下秦王患之乃行

金萬斤於魏令毀無忌魏王聞毀果使人代將無忌乃謝病不朝與賓客為長夜飲多進婦女竟病酒而卒

秦紀

姓嬴氏非子後都咸陽凡三君得年四十○咸陽今隸陝西

始皇帝

名政實姓呂氏為王二十五年即帝位十二年

丙辰年趙王丹薨廉頗奔魏。

趙使廉頗伐魏孝成王薨悼襄王立使武襄君樂乘代頗頗遂奔魏魏不能用趙師數困於秦思復得頗使使視頗尚可用否頗仇郭開與使者金令毀之頗見使者一飯斗米肉十斤被甲上馬以示可用使者還報曰廉將軍尚善飯然與臣坐頃之三遺矢矣遂不名○矢糞也言坐不久而大便不禁者三

丁巳

三年趙悼襄王偃元年

趙復用李牧備匈奴。

李牧趙北邊良將也居代鴈門匈奴入盜頗為奇陳大破之殺十餘萬騎單于奔走十餘載不敢迎趙邊○單于匈奴天子之號

戊午年冬十月秦蝗疫令民納粟拜爵。

癸亥九年韓王安元年秋九月秦嫪音滂毒音藹作亂伏誅夷三族秦

王遷其太后於雍。

初秦王年少太后與呂不韋私通恐事覺乃以舍人嫪
毒詐為宦者進之生二子事覺誅毒遷太后於雍殺其
二子諫而死者二十七人齊客茅焦請諫王怒趣召
欲烹之焦徐行至前曰陛下車裂假父囊撲二弟遷母
於雍殘戮諫士桀紂之行不至於是令天下聞之盡瓦
解無嚮秦者臣竊為陛下危之言已乃解衣伏質王下
殿手接之爵以上卿迎太后歸嫪毒姓名囊撲以
囊盛其人投擲而擊殺之質机類伏於質上受烹也

楚王完薨盜殺黃歇。

楚考烈王無子趙人李園進其妹於歇既有娠園使妹
說歇曰楚王無子即百歲後將更立兄弟君安得常保
此寵乎今妾有娠而人莫知君進妾於王賴天而有男
則是君之子為王也楚國盡可得歇大然之乃出之謹

舍而言諸王王名幸之遂生男立為太子園妹為后園
亦貴用事恐歇泄其語陰養死士欲殺歇以滅口王薨

園伏死士於棘門之內刺殺歇
園女弟所生子遂立是為幽王

甲子十年楚幽王冬十月秦大索逐客客卿李斯上書召復

故官遂除其令。

秦議逐客客卿李斯亦在逐中上書曰昔穆公取由余
於戎得百里奚於宛迎蹇叔於宋求丕豹公孫支於晉
并國二十遂霸西戎孝公用商鞅諸侯親服惠王用張
儀散六國從使之事秦昭王得范雎彊公室杜私門此
四君者皆以客之功由此觀之客何負於秦哉今乃卻
賓客以業諸侯此所謂藉寇兵而資盜糧者也乃召斯
復其官除逐客令○藉借也謂
以兵借寇資遺也謂為盜資糧

丙寅十二年趙幽王秦呂不韋徙蜀自殺。

戊辰十四年韓遣使稱藩于秦。

韓諸公子非善刑名法術之學見韓削弱數以書干韓王不用非作孤憤五蠹說難等篇至是王使納地效璽於秦因說秦王未用李斯譖之下吏自殺

甲戌二十一年楚王負芻魏燕太子丹使盜劫秦王不克秦

遂擊破燕代兵進圍薊

初丹嘗質於秦秦王不禮焉丹怒亡歸欲報秦王使衛人荆軻挾燕督亢地圖入秦軻至咸陽見秦王奉圖以進圖窮而匕首見把秦王袖而摠之環柱而走秦王拔劍擊軻斷其左股軻罵曰事所以不成者欲生劫以報太子也遂體解以徇王怒發兵攻燕圍薊拔之燕斬丹以獻於秦○督亢燕之美地秦求之燕丹故使軻賁圖以進匕首利刃摠擊也徇示衆也

庚辰二十六年秦初并天下更號皇帝

辛未十七年滅韓癸酉十九年滅趙丙子二十二年滅魏戊寅二十四年滅楚己卯二十五年滅燕是年滅齊

齊后勝為相與賓客多受秦間金不脩戰備王貴攻齊民莫敢格齊王建遂降處之松柏之間餓而死秦王自以為德過三皇功高五帝乃更號曰皇帝命為制令為詔自稱曰朕制曰死而以行為諡是子議父臣議君也自今除諡法朕為始皇帝後世以計數二世三世至於萬世傳之無窮定為水德衣服旌旂皆尚黑以建亥月為歲首○除拜遺議曰命布告中外曰令朕我也自此專作帝稱

分天下為三十六郡銷兵器一法度徙豪傑于咸陽

丞相王綰等請立諸子為王李斯曰周封同姓甚衆後相攻擊天子弗能禁今海內賴陛下神靈一統皆為郡縣天下無異意則安寧之術也置諸侯不便始皇是其議分天下為三十六郡郡置守尉監更名曰黔首收天下兵聚咸陽銷以為鐘鐻金人十二置宮庭中一法度衡石丈尺徙天下豪富於咸陽十二萬戶○守郡守尉丞尉監御史掌監郡金人號曰翁仲

壬午二十八年帝東巡上鄒嶧山立石頌功業封泰山下禪

梁父遂登瑯琊遣徐市入海求神仙渡淮浮江至南郡而還。

帝自泰山下風雨暴至休於樹下因封其樹為五大夫齊人徐市等言海中有三神山名曰蓬萊方丈瀛洲仙人居之於是遣市發童男女數千人入海求仙人船交海中皆以風為解曰未能至望見之焉始皇還過彭城欲出周鼎泗水使千人沒水求之弗得乃西南渡淮浮江至湘山祠逢大風幾不能渡使刑徒伐湘山樹赭其山○增土曰封除地也

癸未二十九年帝東遊至陽武韓人張良狙擊誤中副車令天下大索十日不得。

初韓人張良五世相韓韓亡良欲為韓報仇合力士操鐵椎狙擊始皇博浪沙中誤中副車始皇驚求弗得合天下大索十日○狙伏伺也

丙戌三十二年帝巡北邊遣蒙恬伐匈奴。

初始皇使盧生求羨門子高還奏錄圖書曰亡秦者胡也乃巡北邊發兵三十萬伐匈奴收河南地為四十四縣築長城起臨洮至遼東延袤萬餘里○圖書符識之書胡為胡亥延長也南北曰袤

戊子三十四年燒詩書百家語。

李斯言諸生不師今而學古聞令下則各以其學議之入則心非出則卷議臣請史官非秦記皆燒之偶語詩書者棄市所不去者醫藥卜筮種樹之書有欲學法令以吏為師制曰可

己丑三十五年營朝宮作前殿阿房。

始皇以咸陽宮小乃營作前殿阿房東西五百步南北五十丈上可坐萬人下可建五丈旗役隱宮徒刑者七十餘萬人○阿曲也言殿之四阿皆為房宮刑隱於蔭室養之故曰隱宮徒奴役也以罪供徭役

阮諸生四百六十餘人使長子扶蘇監蒙恬軍。

侯生盧生相與譏議始皇。始皇使御史按問諸生。諸生傳相告引，乃自除犯禁者四百六十餘人。皆阮之。長子扶蘇諫曰：「諸生皆誦法孔子，今重法繩之，臣恐天下不安。」始皇怒，使北監蒙恬軍于上郡。○告引，告訴牽引也。除簡別也。

辛卯三十七年冬十月，帝東巡。秋七月，至沙邱崩。丞相李斯

宦者趙高矯遺詔立少子胡亥為太子，殺扶蘇蒙恬。還至

咸陽，胡亥襲位。

二世皇帝

名胡亥，始皇子，在位二年。

二世謂趙高曰：人生世間，譬猶騁六驥過決隙，吾欲悉耳目之所好，窮心志之所樂，以終我年壽，可乎？高曰：盡除先帝之故，臣更置陛下所親信，則高枕肆志寵樂矣。二世曰：善。乃行誅大臣及諸公子。○決音缺。

壬辰元年秋七月，楚人陳勝吳廣起兵于蕪。

勝陽城人，字涉，廣陽夏人，字叔，涉少時嘗與人傭耕隴上，曰：苟富貴，無相忘。傭者笑曰：若為傭耕，何富貴涉曰：燕雀安知鴻鵠之志哉？王侯將相寧有種乎？與廣起兵攻蕪，蕪下，自立為王，號張楚。郡縣苦秦法，爭殺長吏，應之。

八月，楚將武臣至趙，自立為趙王。

九月，楚人劉邦起兵于沛，自立為沛公。

沛人劉邦字季，隆準龍顏，有大度，不事家人生產，作業初為泗水亭長，為縣送徒驪山，到豐西，解縱所送徒曰：公等皆去，吾亦從此逝矣。李被酒，夜經澤中，有大蛇當徑，拔劍斬之，後人來至蛇所，有老嫗夜哭曰：吾子白帝子也，化為蛇當道，今赤帝子斬之，嫗忽不見。所居上，常有雲氣，陳勝起，斬沛令，欲應之，掾主吏蕭何曹參曰：君為秦吏，今欲背之，恐子弟不聽。願名諸亡在外者，以劫眾，乃令樊噲召季，季眾已數十百人矣。令悔閉城，季書帛射城上，遺沛父老，為陳利害，父老乃率子弟殺令，迎季立為沛公。旗幟皆尚赤。○隆，高也。準，鼻也。

楚人項梁起兵於吳。

項梁下相人。楚將項燕子也。嘗殺人。與兄子籍。避讐吳中。籍字羽。長八尺餘。力能扛鼎。才氣過人。嘗曰。書足以記名姓而已。劍一人敵。不足學。當學萬人敵。會稽守殷通欲應陳涉。使梁將。梁使籍斬通。舉吳中兵。收下縣。得精兵八千人。自為會稽守。以籍為裨將。

齊人田儋略齊地。自立為齊王。○趙將韓廣略燕地。自立

為燕王。○楚將周市立魏公子咎為魏王。而相之。

癸巳二年冬十一月。趙將李良弒其君武臣。○秦益遣兵擊

楚。臘月。楚莊賈御者弒其君勝。降秦。呂臣勝故涓人討賈。誅之。復

以陳為楚。

春正月。趙將張耳陳餘立趙歇為王。

沛公以張良為廐將。

良聚少年百餘人。至留。道遇沛公。屬焉。良數以大公兵法說沛公。沛公常用其策。良曰。沛公殆天授。遂從不去。

夏六月。項梁立楚懷王孫心為楚懷王。韓公子成為韓王。

居鄴人。范增年七十。好奇計。說梁立楚後。梁乃立楚懷王孫心。張良說梁立韓公子成。益樹黨。梁立以為韓王。

秋七月。秦下右丞相馮去疾左丞相李斯吏去疾自殺。腰

斬斯。夷三族。以趙高為中丞相。

二世數誚讓斯。居三公位。如何令盜如此。斯懼。乃阿二世意。以書對曰。惟明主能督責。以獨斷於上。羣臣百姓救過不給。何變之敢圖。二世悅。於是行督責益嚴。郎中令趙高恃恩專恣。恐大臣奏事言之。乃說二世曰。天子所以貴者。但以聞聲。羣臣莫得見其面。陛下深拱禁中。與臣及侍中習法者。待事來。揆之。則大臣不敢奏疑事。天下稱聖主矣。二世乃不坐朝廷。事皆決於高。高譖斯曰。沙邱之謀。丞相與焉。今陛下為帝。其意亦望裂地而

王且其長男由守三川與盜通二世使人按驗三川守與盜通狀斯又與去疾進諫曰羣盜並起皆以戍漕轉作事苦賦稅大也請且止阿房宮作者減四邊戍轉二世曰君不能禁盜又欲罷先帝所為下吏按罪去疾自殺斯自負其辯有功無反心乃就獄二世屬高治之責與由反狀具斯五刑論腰斬咸陽市斯顧謂其中子曰吾欲與若復牽黃犬俱出上蔡東門逐狡兔豈可得乎遂父子相哭而夷三族拜高為中丞相○戍征戍漕水運轉陸運作役作也

章邯擊趙圍趙王于鉅鹿楚以宋義為上將軍救之

秦章邯破定陶項梁死乃北擊趙趙請救于楚楚王以義為上將軍項羽為次將范增為末將救趙諸別將皆屬義號為卿子冠軍○卿子謂卿之子褒尊之辭上將故言冠軍

楚遣沛公伐秦

初楚懷王與諸將約先入定關中者王之是時秦兵強諸將莫利先入關獨項籍怨秦破梁軍願與沛公西入

關諸將曰籍慄悍猾賊所過無不殘滅不可遣沛公寬大長者可遣乃遣沛公○慄疾悍勇好為禍害而殘賊也

甲午三年冬十一月楚次將項籍矯殺宋義而代之大破秦

軍虜其將王離

義至安陽雷四十六日不進籍勸義疾引兵渡河義不聽乃即其帳中斬之引兵渡河沈舟破釜持三日糧以示士卒必死與秦軍遇九戰大破之章邯引却遂虜王離時諸侯軍救鉅鹿者十餘壁莫敢縱兵及楚擊秦皆從壁上觀楚戰士無不一以當十籍既破秦軍召見諸侯將入轅門無不膝行而前莫敢仰視籍繇是始為諸侯上將軍諸侯兵皆屬焉

春二月沛公使酈食其說陳留下之

沛公過高陽高陽人酈食其入謁沛公方偃牀使兩女子洗足食其不拜長揖曰足下必欲誅無道秦不宜偃

通鑑綱要

正編卷一 秦二世皇帝

十一

6年 / 月

見長者於是沛公起攝衣謝之延上坐問計食其曰足
下兵不滿萬欲以徑入強秦此所謂探虎口者也夫陳
留天下之衝又多積粟臣知其令今請使令下足下於
是遣食其往沛公引兵隨之遂下陳雷號食其為廣野

剛趙高弑帝于望夷宮立子嬰為王九月
一族

非恐羣臣不聽乃持鹿獻於二世曰馬也
誤耶問左右或默或言鹿高因中諸言
下臣莫敢言其過沛公攻屠武關高前數
為至是二世使責高高懼乃使其塔閭
衛令二世召左右皆惶擾不關樂前數
恣誅殺無道天下皆畔其自為計二世
自殺高自立子嬰為秦王子嬰稱病不
行高自往請子嬰遂刺殺高夷三族

通鑑擊要卷一

Handwritten notes in red and black ink at the bottom left of the page.

見長者於是沛公起攝衣謝之延上坐問計食其曰足下兵不滿萬欲以徑入強秦此所謂探虎口者也夫陳留天下之衝又多積粟臣知其令今請使令下足下於是遣食其往沛公引兵隨之遂下陳雷號食其為廣野君○知相知也下降也

八月沛公入武關趙高弑帝于望夷宮立子嬰為王九月

子嬰討殺高夷三族

初趙高欲專權恐羣臣不聽乃持鹿獻於二世曰馬也二世笑曰丞相誤耶問左右或默或言鹿高因中諸言鹿者以法後羣臣莫敢言其過沛公攻屠武關高前數言關東盜無能為至是二世使責高高懼乃使其塔閣樂發卒至宮殺衛令二世召左右皆惶擾不鬪樂前數二世曰足下驕恣誅殺無道天下皆畔其自為計二世自殺高自立子嬰為秦王子嬰稱病不行高自往請子嬰遂刺殺高夷三族

通鑑擊要卷一

Handwritten notes in red and black ink at the bottom left of the page.

